

სს „ჰარვესტ ალავერდი“ და შვილობილი საწარმო

კონსოლიდირებული ფინანსური ანგარიშგება

2024 წლის 31 დეკემბრით დასრულებული წლისათვის
დამოუკიდებელი აუდიტორის დასკვნასთან ერთად

სარჩევი

დამოუკიდებელი აუდიტორის დასკვნა

კონსოლიდირებული ფინანსური ანგარიშგება

კონსოლიდირებული ფინანსური მდგომარეობის ანგარიშგება.....	1
კონსოლიდირებული სრული შემოსავლის ანგარიშგება.....	2
კონსოლიდირებული საკუთარი კაპიტალის ცვლილებების ანგარიშგება.....	3
კონსოლიდირებული ფულადი ნაკადების ანგარიშგება	4
კონსოლიდირებული ფინანსური ანგარიშგების განმარტებითი შენიშვნები.....	5-29

დამოუკიდებელი აუდიტორის დასკვნა

სს „ჰარვესტ ალავერდის“ აქციონერებსა და ხელმძღვანელობას

მოსაზრება

ჩავატარეთ სს „ჰარვესტ ალავერდის“ და მისი შვილობილი საწარმოს (შემდგომში „ჯგუფი“) კონსოლიდირებული ფინანსური ანგარიშგების აუდიტი, რომელიც შედგება 2024 წლის 31 დეკემბრის მდგომარეობით მომზადებული კონსოლიდირებული ფინანსური მდგომარეობის ანგარიშგებისგან, აღნიშნული თარიღით დამთავრებული წლის კონსოლიდირებული სრული შემოსავლის ანგარიშგების, კონსოლიდირებული საკუთარი კაპიტალის ცვლილებების ანგარიშგებისა და კონსოლიდირებული ფულადი ნაკადების ანგარიშგებისგან, ასევე კონსოლიდირებულ ფინანსურ ანგარიშგებაზე დართული შენიშვნებისგან, მათ შორის, სააღრიცხვო პოლიტიკის შესახებ არსებითი ინფორმაციისგან.

ჩვენი აზრით, თანდართული კონსოლიდირებული ფინანსური ანგარიშგება, ყველა არსებითი ასპექტის გათვალისწინებით, სამართლიანად ასახავს ჯგუფის ფინანსურ მდგომარეობას 2024 წლის 31 დეკემბრის მდგომარეობით, აგრეთვე მისი საქმიანობის კონსოლიდირებულ ფინანსურ შედეგებსა და კონსოლიდირებული ფულადი სახსრების მოძრაობას იმ წლისთვის, რომელიც დასრულდა მოცემული თარიღით, ფინანსური ანგარიშგების საერთაშორისო სტანდარტების შესაბამისად.

მოსაზრების საფუძველი

აუდიტი წარმართეთ აუდიტის საერთაშორისო სტანდარტების (ასს-ების) შესაბამისად. ამ სტანდარტებით განსაზღვრული ჩვენი პასუხისმგებლობა დეტალურად აღწერილია ჩვენი დასკვნის – „აუდიტორის პასუხისმგებლობა კონსოლიდირებული ფინანსური ანგარიშგების აუდიტზე“ – ნაწილში. ჩვენ დამოუკიდებლები ვართ ჯგუფისგან ბუღალტერთა ეთიკის საერთაშორისო სტანდარტების საბჭოს (ბესსს) პროფესიონალი ბუღალტრების ეთიკის საერთაშორისო კოდექსის (მათ შორის დამოუკიდებლობის საერთაშორისო სტანდარტები) (ბესსს-ის კოდექსი) და იმ ეთიკური მოთხოვნების შესაბამისად, რომლებიც ეხება საქართველოში ფინანსური ანგარიშგების ჩვენ მიერ ჩატარებულ აუდიტს და შესრულებული გვაქვს ამ მოთხოვნებით და ბესსს-ის კოდექსით გათვალისწინებული სხვა ეთიკური ვალდებულებებიც. გვჯერა, რომ ჩვენ მიერ მოპოვებული აუდიტის მტკიცებულებები საკმარისი და შესაფერისია ჩვენი მოსაზრების გამოთქმისთვის აუცილებელი საფუძვლის შესაქმნელად.

ჯგუფის 2024 წლის მმართველობის ანგარიშგებაში ასახული სხვა ინფორმაცია

სხვა ინფორმაცია მოიცავს ინფორმაციას, რომელიც შეტანილია ჯგუფის 2024 წლის მმართველობის ანგარიშგებაში, გარდა კონსოლიდირებული ფინანსური ანგარიშგებისა და ჩვენ მიერ მასზე გაცემული აუდიტორის დასკვნისა. სხვა ინფორმაციაზე პასუხისმგებელია ხელმძღვანელობა. ჯგუფის 2024 წლის მმართველობის ანგარიშგება ჩვენთვის სავარაუდოდ ხელმისაწვდომი გახდება აუდიტორის წინამდებარე დასკვნის თარიღის შემდეგ.

ჩვენი მოსაზრება კონსოლიდირებულ ფინანსურ ანგარიშგებაზე არ მოიცავს მმართველობის ანგარიშგებას და ჩვენ არანაირი ფორმის მარწმუნებელ დასკვნას არ წარმოვადგენთ მასზე კონსოლიდირებული ფინანსური ანგარიშგების აუდიტზე გამოცემულ ჩვენს დასკვნაში.

ჩვენ მიერ ჩატარებულ კონსოლიდირებული ფინანსური ანგარიშგების აუდიტთან დაკავშირებით ჩვენი პასუხისმგებლობა იმაში მდგომარეობს, რომ გავეცნოთ ზემოაღნიშნულ სხვა ინფორმაციას, როდესაც ის ჩვენთვის ხელმისაწვდომი გახდება და განვიხილოთ, სხვა ინფორმაცია არის თუ არა არსებითად შეუსაბამო კონსოლიდირებულ ფინანსურ ანგარიშგებასთან, ან აუდიტის პროცესში ჩვენ მიერ მოპოვებულ ინფორმაციასთან, ან სხვა მხრივ ხომ არ ტოვებს ისეთ შთაბეჭდილებას, რომ არსებითად მცდარია.

ხელმძღვანელობის პასუხისმგებლობა კონსოლიდირებულ ფინანსურ ანგარიშგებაზე

ხელმძღვანელობა პასუხისმგებელია თანდართული კონსოლიდირებული ფინანსური ანგარიშგების მომზადებასა და სამართლიან წარდგენაზე ფასს-ის შესაბამისად, ასევე შიდა კონტროლზე, რომელსაც იგი აუცილებლად მიიჩნევს ისეთი კონსოლიდირებული ფინანსური ანგარიშგების მოსამზადებლად, რომელიც არ შეიცავს თაღლითობით ან შეცდომით გამოწვეულ არსებით უზუსტობას.

კონსოლიდირებული ფინანსური ანგარიშგების მომზადებისას ხელმძღვანელობას ევალება, შეაფასოს ჯგუფის ფუნქციონირებადობის უნარი და, აუცილებლობის შემთხვევაში, კონსოლიდირებული ფინანსური ანგარიშგების შენიშვნებში განმარტოს საკითხები, რომლებიც დაკავშირებულია საწარმოს ფუნქციონირებადობასთან და ანგარიშგების საფუძვლად საწარმოს ფუნქციონირებადობის პრინციპის გამოყენებასთან, იმ შემთხვევის გარდა, როდესაც ხელმძღვანელობას განზრახული აქვს ჯგუფის ლიკვიდაცია ან საქმიანობის შეწყვეტა, ან თუ არა აქვს სხვა რეალური არჩევანი, ასე რომ არ მოიქცეს.

აუდიტორის პასუხისმგებლობა კონსოლიდირებული ფინანსური ანგარიშგების აუდიტზე

ჩვენი მიზანია, მოვიპოვოთ დასაბუთებული რწმუნება იმის თაობაზე, მოცემული კონსოლიდირებული ფინანსური ანგარიშგება შეიცავს თუ არა თაღლითობით ან შეცდომით გამოწვეულ არსებით უზუსტობას და შევადგინოთ აუდიტორის დასკვნა, რომელიც მოიცავს ჩვენს მოსაზრებას. დასაბუთებული რწმუნება მაღალი დონის რწმუნებაა, მაგრამ არ არის იმის გარანტია, რომ ასს-ების შესაბამისად ჩატარებული აუდიტი ყოველთვის გამოავლენს ნებისმიერ არსებით უზუსტობას, რომელიც არსებობს. უზუსტობები შეიძლება გამოწვეული იყოს თაღლითობით ან შეცდომით და არსებითად მიიჩნევა იმ შემთხვევაში, თუ, გონივრულ ფარგლებში, მოსალოდნელია, რომ ისინი,

ცალ-ცალკე ან ერთობლივად, გავლენას მოახდენს იმ მომხმარებლების ეკონომიკურ გადაწყვეტილებებზე, რომლებიც დაეყრდნობიან მოცემულ კონსოლიდირებულ ფინანსურ ანგარიშგებას.

ასს-ების შესაბამისად აუდიტის ჩატარება ითვალისწინებს აუდიტორის მიერ პროფესიული განსჯის გამოყენებას და პროფესიული სკეპტიციზმის შენარჩუნებას აუდიტის პროცესში. გარდა ამისა, ჩვენ:

- ვადგენთ და ვაფასებთ თაღლითობით ან შეცდომით გამოწვეულ, კონსოლიდირებული ფინანსური ანგარიშგების არსებითი უზუსტობის რისკებს; ვგეგმავთ და ვატარებთ ამ რისკებზე რეაგირებისთვის გამიზნულ აუდიტის პროცედურებს და ვვრცობთ ისეთ აუდიტის მტკიცებულებებს, რომლებიც საკმარისი და შესაფერისი იქნება ჩვენი მოსაზრების გამოთქმისთვის აუცილებელი საფუძვლის შესაქმნელად. რისკი იმისა, რომ ვერ გამოვლინდება თაღლითობით გამოწვეული არსებითი უზუსტობა უფრო მაღალია, ვიდრე რისკი იმისა, რომ ვერ გამოვლინდება შეცდომით გამოწვეული უზუსტობა, რადგან თაღლითობა შეიძლება გულისხმობდეს ფარულ შეთანხმებას, გაყალბებას, ოპერაციების განზრახ გამოტოვებას, აუდიტორისთვის წინასწარგანზრახულად არასწორი ინფორმაციის მიწოდებას ან შიდა კონტროლის იგნორირებას.
- შევისწავლით აუდიტისთვის შესაფერის შიდა კონტროლის საშუალებებს, რათა დავგეგმოთ კონკრეტული გარემოებების შესაფერისი აუდიტის პროცედურები და არა იმ მიზნით, რომ მოსაზრება გამოვთქვათ ჯგუფის შიდა კონტროლის ეფექტიანობაზე.
- ვაფასებთ ხელმძღვანელობის მიერ გამოყენებული სააღრიცხვო პოლიტიკის მიზანშეწონილობას, ხელმძღვანელობის მიერ განსაზღვრული სააღრიცხვო შეფასებების დასაბუთებულობას და შესაბამისი ახსნა-განმარტებების მართებულობას.

- დასკვნა გამოგვაქვს ხელმძღვანელობის მიერ კონსოლიდირებული ანგარიშგების საფუძველად საწარმოს ფუნქციონირებადობის პრინციპის გამოყენების მიზანშეწონილობაზე, ხოლო მოპოვებულ აუდიტის მტკიცებულებებზე დაყრდნობით ვადგენთ, არსებობს თუ არა რაიმე მოვლენებთან ან პირობებთან დაკავშირებული არსებითი განუსაზღვრელობა, რაც მნიშვნელოვან ექვს გამოიწვევდა ჯგუფის ფუნქციონირებადობის უნართან დაკავშირებით. თუ დავასკვნით, რომ არსებობს არსებითი განუსაზღვრელობა, გვევალება ჩვენს აუდიტორის დასკვნაში ყურადღების გამახვილება კონსოლიდირებული ფინანსური ანგარიშგების შესაბამის შენიშვნებზე, ან, თუ ამგვარი განმარტებითი შენიშვნები ადეკვატური არ არის – ჩვენი მოსაზრების მოდიფიცირება. ჩვენი დასკვნები ეყრდნობა აუდიტორის დასკვნის თარიღამდე მოპოვებულ აუდიტის მტკიცებულებას. თუმცა, ამის შემდგომი მომავალი მოვლენების ან პირობების გავლენით შეიძლება ჯგუფი უკვე აღარ იყოს ფუნქციონირებადი საწარმო.
- ვაფასებთ კონსოლიდირებული ფინანსური ანგარიშგების წარდგენას მთლიანობაში, მის სტრუქტურასა და შინაარსს, მათ შორის, განმარტებით შენიშვნებს და ასევე, კონსოლიდირებული ფინანსური ანგარიშგება უზრუნველყოფს თუ არა კონსოლიდირებული ფინანსური ანგარიშგების საფუძველად აღებული ოპერაციებისა და მოვლენების სამართლიან წარდგენას.
- მოვიპოვეთ საკმარის და შესაფერის აუდიტის მტკიცებულებებს ჯგუფში შემავალი საწარმოებისა და სხვა ერთეულების ფინანსური ინფორმაციის შესახებ, რათა მოსაზრება გამოვთქვათ კონსოლიდირებული ფინანსური ანგარიშგების შესახებ. ჩვენ ვართ პასუხისმგებლები ჯგუფის აუდიტის მსვლელობის ხელმძღვანელობაზე, ზედამხედველობასა და აუდიტის ჩატარებაზე. მხოლოდ ჩვენ ვართ პასუხისმგებელი ჩვენს აუდიტორულ მოსაზრებაზე.

მეთვალყურეობაზე პასუხისმგებელ პირებს, სხვასთან ერთად, ინფორმაციას ვაწვდით აუდიტის დაგეგმილი მასშტაბისა და ვადების, ასევე აუდიტის პროცესში წამოჭრილი მნიშვნელოვანი საკითხების, მათ შორის, შიდა კონტროლის სისტემაში გამოვლენილი მნიშვნელოვანი ნაკლოვანებების შესახებ.



დმიტრო იურგელევიჩი (SARAS-A-644274)

შპს „იუაის“ სახელით (SARAS-F-855308)

2025 წლის 20 მარტი

თბილისი, საქართველო

კონსოლიდირებული ფინანსური მდგომარეობის ანგარიშგება


2024 წლის 31 დეკემბრის მდგომარეობით

(ათას ლარში)

	შენიშვნა	2024	2023
აქტივები			
გრძელვადიანი აქტივები			
ძირითადი საშუალებები	5	15,073	16,410
გუდვილი	6	7,667	7,667
გაცემული სესხები	10	2,890	–
არამატერიალური აქტივები		11	–
სულ გრძელვადიანი აქტივები		25,641	24,077
მოკლევადიანი აქტივები			
მარაგები	7	8,750	9,821
სავაჭრო მოთხოვნები	8	15,312	14,124
გადახდილი ავანსები	9	282	320
გაცემული სესხები	10	–	2,583
საგადასახადო მოთხოვნა, მოგების გადასახადის გარდა		155	120
ფულადი სახსრები და მათი ეკვივალენტები	11	121	366
სულ მოკლევადიანი აქტივები		24,620	27,334
სულ აქტივები		50,261	51,411
საკუთარი კაპიტალი და ვალდებულებები			
საკუთარი კაპიტალი			
სააქციო კაპიტალი	12	–	–
გაუნაწილებელი მოგება		4,195	4,154
სულ საკუთარი კაპიტალი		4,195	4,154
ვალდებულებები			
გრძელვადიანი ვალდებულებები			
პროცენტიანი სესხები და ნასესხები სახსრები	13	7,763	34,403
სულ გრძელვადიანი ვალდებულებები		7,763	34,403
მოკლევადიანი ვალდებულებები			
სავაჭრო და სხვა ვალდებულებები	15	6,879	8,740
სხვა მოკლევადიანი ვალდებულებები		507	680
სახელშეკრულებო ვალდებულებები	17	40	229
პროცენტიანი სესხები და ნასესხები სახსრები, მოკლევადიანი	13	30,877	3,205
სულ მოკლევადიანი ვალდებულებები		38,303	12,854
სულ ვალდებულებები		46,066	47,257
სულ საკუთარი კაპიტალი და ვალდებულებები		50,261	51,411

ხელმოწერილი და გამოსაცემად ნებადართულია ჯგუფის ხელმძღვანელობის სახელით 2025 წლის 20 მარტს.

თეიმურაზ ჯანყარაშვილი



უფლებამოსილი წარმომადგენელი

ლუკა ფირცხალავა

უფლებამოსილი წარმომადგენელი

5-29 გვერდებზე დართული შენიშვნები წინამდებარე კონსოლიდირებული ფინანსური ანგარიშგების განუყოფელი ნაწილია.

კონსოლიდირებული სრული შემოსავლის ანგარიშგება

2024 წლის 31 დეკემბრით დასრულებული წლისათვის

(ათას ლარში)

	შენიშვნა	2024	2023
ამონაგები და შემოსულობა	17	31,172	30,011
გაყიდული საქონლის თვითღირებულება	18	(25,776)	(26,187)
საერთო მოგება		5,396	3,824
გაყიდვის და დისტრიბუციის ხარჯები		(257)	(224)
ადმინისტრაციული ხარჯები	19	(1,185)	(1,205)
მოსალოდნელი საკრედიტო ზარალის ანარიცხის გაუქმება	8	–	117
სხვა საოპერაციო ხარჯები	20	(41)	(413)
საოპერაციო მოგება		3,913	2,099
ფინანსური შემოსავალი		307	342
ფინანსური დანახარჯები	14	(3,215)	(2,248)
ძირითადი საშუალებების გაყიდვასთან დაკავშირებული შემოსულობა		24	17
სეტყვით მიყენებული ზიანით გამოწვეული ზარალი		–	(99)
საკურსო სხვაობით განპირობებული ზარალი, წმინდა		(988)	(706)
მოგება (ზარალი) დაზღვევამდე		41	(595)
მოგების გადასახადი		–	–
წლის მოგება (ზარალი)		41	(595)
სხვა სრული შემოსავალი		–	–
წლის მთლიანი სრული შემოსავალი (ზარალი)		41	(595)

კონსოლიდირებული საკუთარი კაპიტალის ცვლილებების ანგარიშგება

2024 წლის 31 დეკემბრით დასრულებული წლისათვის

(ათას ლარში)

	სააქციო კაპიტალი	გაუნაწილებელი მოგება	სულ
2023 წლის 1 იანვრის მდგომარეობით	–	4,749	4,749
წლის ზარალი და მთლიანი სრული ზარალი	–	(595)	(595)
2023 წლის 31 დეკემბრის მდგომარეობით	–	4,154	4,154
წლის მოგება და მთლიანი სრული შემოსავალი	–	41	41
2024 წლის 31 დეკემბრის მდგომარეობით	–	4,195	4,195

კონსოლიდირებული ფულადი ნაკადების ანგარიშგება

2024 წლის 31 დეკემბრით დასრულებული წლისათვის

(ათას ლარში)

	შენიშვნა	2024	2023
საოპერაციო საქმიანობა			
მოგება / (ზარალი) დაბეგვრამდე		41	(595)
არაფულადი კორექტირებები დაბეგვრამდე მოგების (ზარალის) წმინდა ფულად ნაკადებთან შესაბამისობაში მოყვანის მიზნით			
ძირითადი საშუალებების ცვეთა	5	1,606	1,706
სამართლიანი ღირებულების მოძრაობა ბიოპროდუქტში	17	565	805
მარაგების ჩამოწერა	7	32	238
ძირითადი საშუალებების გაყიდვიდან მიღებული შემოსულობა		(24)	(17)
ფინანსური დანახარჯი	14	3,215	2,248
ფინანსური შემოსავალი		(307)	(342)
მოსალოდნელი საკრედიტო ზარალის ანარიცხის გაუქმება	8	–	(117)
სეტყვით მიყენებული ზიანით გამოწვეული ზარალი		–	99
ფინანსურ და საინვესტიციო საქმიანობებზე მიკუთვნებადი საკურსო სხვაობით განპირობებული წმინდა ზარალი	14	1,055	271
საოპერაციო საქმიანობიდან მიღებული ფულადი სახსრები საბრუნავი კაპიტალის ცვლილებამდე		6,183	4,296
საბრუნავი კაპიტალის კორექტირება			
ცვლილებები მარაგებში		474	(2,251)
ცვლილებები სავაჭრო მოთხოვნებში		(1,188)	(4,026)
ცვლილებები გადახდილ ავანსებში		38	348
ცვლილებები საგადასახადო ნაშთებში, მოგების გადასახადის გარდა		(35)	(13)
ცვლილებები სავაჭრო და სხვა ვალდებულებებში		(1,861)	4,158
ცვლილებები სხვა მოკლევადიან ვალდებულებებში		(173)	346
ცვლილებები სახელშეკრულებო ვალდებულებებში		(189)	(1,498)
საოპერაციო საქმიანობიდან მიღებული წმინდა ფულადი ნაკადები პროცენტის და მოგების გადასახადის გადახდამდე		3,249	1,360
გადახდილი პროცენტი	14	(1,068)	(1,171)
საოპერაციო საქმიანობიდან მიღებული წმინდა ფულადი ნაკადები		2,181	189
საინვესტიციო საქმიანობა			
ძირითადი საშუალებების შეძენა		(273)	(490)
შემოსულობა ძირითადი საშუალებების გაყიდვიდან		43	59
გაცემული სესხებიდან მიღებული პროცენტი		–	104
საინვესტიციო საქმიანობაში გამოყენებული წმინდა ფულადი ნაკადები		(230)	(327)
საფინანსო საქმიანობა			
ნასესხები სახსრების დაფარვა	14	(2,170)	(255)
საფინანსო საქმიანობაში გამოყენებული წმინდა ფულადი ნაკადები		(2,170)	(255)
ფულადი სახსრების და მათი ეკვივალენტების წმინდა შემცირება		(219)	(393)
საკურსო სხვაობის ეფექტი ფულადი სახსრები და მათი ეკვივალენტებიდან		(26)	(19)
ფულადი სახსრები და მათი ეკვივალენტები წლის დასაწყისში	11	366	778
ფულადი სახსრები და მათი ეკვივალენტები წლის ბოლოს	11	121	366

5-29 გვერდებზე დართული შენიშვნები წინამდებარე კონსოლიდირებული ფინანსური ანგარიშგების განუყოფელი ნაწილია

(ათას ლარში)

1. კორპორაციული ინფორმაცია

სს „ჰარვესტ ალპერდი“ (შემდგომში „კომპანია“) დაფუძნდა 2019 წლის 6 აგვისტოს საქართველოს კანონმდებლობის ქვეშ.

კომპანიის იურიდიული მისამართია: საქართველო, გურჯაანის რაიონი, სოფელი ჩუშლაყი, ხოლო მისი საქმიანობის ძირითადი ადგილმდებარეობაა წერეთლის გამზ. #118, თბილისი, საქართველო.

წინამდებარე კონსოლიდირებული ფინანსური ანგარიშგება მოიცავს ჯგუფისა და მისი შვილობილი საწარმოს ფინანსურ ანგარიშგებებს (ერთად „ჯგუფი“). ჯგუფის ძირითადი საქმიანობაა ღვინის და გამოხდილი ალკოჰოლური სასმელების წარმოება, მათი საბითუმო ვაჭრობა საქართველოსა და მის ფარგლებს გარეთ.

შვილობილი საწარმო	საკუთრება, % 2024	საკუთრება, % 2023	ქვეყანა	საქმიანობის სფერო	შეძენის / დაფუძნების თარიღი
შპს „ალკოჰოლური სასმელების კომპანია ალპერდი“	100.0	100.0	საქართველო	ღვინის წარმოება, გაყიდვა	2019 წლის 19 აგვისტო

2024 წლისა და 2023 წლის 31 დეკემბრის მდგომარეობით კომპანიის უშუალო მშობელი საწარმო იყო სს „ჯორჯიან ბევერიჯის ჰოლდინგი“ (შემდგომში „უშუალო მშობელი საწარმო“), რომელიც კომპანიას მართვის ხელშეკრულების საფუძველზე აკონტროლებს და კომპანიის სააქციო კაპიტალის 49%-ს ფლობს. სს „ჯორჯიან ბევერიჯის ჰოლდინგი“ სს „საქართველოს კაპიტალის“ შვილობილი საწარმოა. კომპანიის 51%-ის მფლობელი სხვა აქციონერები არიან ქართველი ფიზიკური პირები.

2024 წლისა და 2023 წლის 31 დეკემბრის მდგომარეობით, კომპანიის საბოლოო მკონტროლებელი მხარეა გაერთიანებულ სამეფოში რეგისტრირებული და ლონდონის საფონდო ბირჟაზე აღრიცხული საჯარო სააქციო საზოგადოება „Georgia Capital“ (შემდგომში „GCAP“ ან „საბოლოო მშობელი საწარმო“).

2. არსებითი სააღრიცხვო პოლიტიკა

2.1. მომზადების საფუძველი

ჯგუფის წინამდებარე კონსოლიდირებული ფინანსური ანგარიშგება 2024 წლის 31 დეკემბრით დასრულებული წლისთვის მომზადებულია ბუღალტრული აღრიცხვის საერთაშორისო სტანდარტების საბჭოს („ბასს“) მიერ გამოცემული ფინანსური ანგარიშგების საერთაშორისო სტანდარტების („ფასს“) შესაბამისად.

კონსოლიდირებული ფინანსური ანგარიშგება მომზადებულია პირვანდელი ღირებულებებს საფუძველზე, გარდა ბიოპროდუქციისა, ფინანსური აქტივებისა და ფინანსური ვალდებულებებისა, რომლებიც სამართლიანი ღირებულებით ფასდება.

კონსოლიდირებული ფინანსური ანგარიშგება წარმოდგენილია ლარში და დამრგვალებულია ათასამდე, თუ სხვა რამ არ არის მითითებული.

2.2. ფუნქციონირებადი საწარმო

2024 წლის 31 დეკემბრის მდგომარეობით ჯგუფის მოკლევადიანი ვალდებულებები მის მოკლევადიან აქტივებს 13,683 ლარით აღემატებოდა. ჯგუფმა აღრიცხა 41 ლარის ოდენობით წლის წმინდა მოგება, ხოლო ჯგუფის საოპერაციო ფულადი ნაკადების წმინდა შემოსვლამ პროცენტის დარიცხვამდე 3,249 ლარი შეადგინა.

(ათას ლარში)

2. არსებითი სააღრიცხვო პოლიტიკა (გაგრძელება)

2.2. ფუნქციონირებადი საწარმო (გაგრძელება)

ხელმძღვანელობა თვლის, რომ ის შეძლებს ფინანსური ანგარიშგების მომზადებას ფუნქციონირებადი საწარმოს დაშვების საფუძველზე. ხელმძღვანელობამ ჩაატარა ჯგუფის ფინანსური მაჩვენებლების ლიკვიდობის ანალიზი იმ დაშვებით, რომ რუსეთ-უკრაინის ომი ნეგატიურად მოქმედებდა ჯგუფზე 2024 წლის ბოლოსთვის. ჯგუფი ითვალისწინებს შემდეგ ფაქტებს ფუნქციონირებადი საწარმოს დაშვების ადეკვატურობის შეფასებისას:

- 1. მოცულობითი გაყიდვები** - ქართული ღვინის ექსპორტი წინა წელთან შედარებით 6%-ით გაიზარდა და 2024 წელს 126 მილიონი ბოთლი შეადგინა (geostat.ge-ის მიხედვით). შესაბამისად ხელმძღვანელობა ვერ ხედავს მოცულობასთან დაკავშირებულ რისკს საექსპორტო ბაზრებზე;
- 2. ზეწოლა მომგებიანობაზე** - ადგილობრივი ვალუტის (ლარი) გამყარება - უკრაინაში მიმდინარე ომის გამო საქართველომ დიდი რაოდენობით მიგრანტი მიიღო, რომლებმაც ქართულ ლარზე ძლიერი მოთხოვნა შექმნეს. ღვინის ბიზნესის ექსპორტზე გაყიდვები მეტწილად აშშ დოლარსა და ევროშია გამოხატული;
- 3. სესხის გახანგრძლივება** - ჯგუფი განაგრძობს სუბსიდირებული (ყურძნის) სესხების დაფარვას, და ამავდროულად აწარმოებს მოლაპარაკებებს არასუბსიდირებული სესხების გახანგრძლივებაზე.

ღვინის ბიზნესისთვის მნიშვნელოვანი სტრატეგიული საყრდენია ყურადღების ზრდა ამონაგების ხარისხის გაუმჯობესებასა და გაყიდვების მოცულობის ზრდაზე.

ხელმძღვანელობა მშობელი საწარმოსგან მიიღო წერილი, რომელშიც მითითებულია, რომ მშობელი საწარმო გეგმავს ჯგუფს მიაწოდოს ადეკვატური რაოდენობით სახსრები, რომელიც მას საშუალებას მისცემს განაგრძოს ნორმალური ოპერაციები წინამდებარე კონსოლიდირებული ფინანსური ანგარიშგების დამტკიცების თარიღიდან 12 თვეზე მეტი პერიოდის განმავლობაში. ხელმძღვანელობის შეფასებით მშობელი საწარმო ფლობს სათანადო ოდენობით სახსრებს ჯგუფისთვის საჭიროების შემთხვევაში ფინანსური მხარდაჭერის გასაწევად.

ხელმძღვანელობა მიიჩნევს, რომ ამ ინიციატივების კომბინაცია ჯგუფს უზრუნველყოფს საჭირო ლიკვიდობით, რათა განაგრძოს ფუნქციონირება წინამდებარე კონსოლიდირებული ფინანსური ანგარიშგების დამტკიცების თარიღიდან სულ მცირე 12 თვის განმავლობაში.

წინამდებარე კონსოლიდირებული ფინანსური ანგარიშგება ეფუძნება მიმდინარე მოლოდინებს და პროგნოზებს. დღეის მდგომარეობით, ყველა ოპერაცია ეფუძნება იმ დაშვებას, რომ საქმიანობა გაგრძელდება და წინამდებარე კონსოლიდირებული ფინანსური ანგარიშგება მომზადდა ფუნქციონირებადი საწარმოს პრინციპზე დაყრდნობით, რაც გულისხმობს აქტივების რეალიზაციას და ვალდებულებების დაფარვას ჩვეული საქმიანობის პროცესში.

2.3. არსებითი სააღრიცხვო პოლიტიკის მიმოხილვა

ა) ამონაგები მომხმარებლებთან გაფორმებული ხელშეკრულებებიდან

საქონლის რეალიზაცია

მზა პროდუქციის გაყიდვიდან მიღებული ამონაგების აღიარება ხდება, როდესაც ჯგუფი დააკმაყოფილებს შესასრულებელ ვალდებულებას, ე.ი. მაშინ, როდესაც კონტროლი საქონელზე გადაეცემა მომხმარებელს, როგორც წესი, საქონლის მიწოდების მომენტში. საექსპორტო გაყიდვებისთვის, ჩვეულებრივ საქონელზე კონტროლი მომხმარებელს გადაეცემა მაშინ, როდესაც კურიერი განახორციელებს მის მიწოდებას დათქმულ ადგილმდებარეობაზე, საწარმოო ობიექტების ადგილმდებარეობის გათვალისწინებით.

ამონაგები აღიარდება მზა პროდუქციის გაყიდვასთან კავშირში ისეთი ოდენობით, რომელიც ასახავს იმ საზღაურს, რომლის მიღებასაც ჯგუფი გეგმავს ამგვარი საქონლის სანაცვლოდ. გარიგების ფასი, რომელიც ასახავს მომხმარებლისთვის გადასახდელი საზღაურის (ფულადი თანხები, რომლებსაც ჯგუფი მომხმარებელს გადაუხდის, ან მოელის მათ გადახდას) კორექტირებებს და ნებისმიერი მოცულობითი ფასდაკლებისთვის. კონკრეტული ხელშეკრულებები მომხმარებელს აძლევს უფლებას დააბრუნოს საქონელი კონკრეტულად განსაზღვრულ პერიოდში. იმ საქონლის შესაფასებლად, რომელიც დაბრუნდება, ჯგუფი იყენებს მოსალოდნელი ღირებულების მეთოდს, რადგან ეს მეთოდი საუკეთესოდ განსაზღვრავს იმ ცვლადი საზღაურის თანხას, რომელზეც უფლება ექნება ჯგუფს.

(ათას ლარში)

2. არსებითი სააღრიცხვო პოლიტიკა (გაგრძელება)**2.3. არსებითი სააღრიცხვო პოლიტიკის მიმოხილვა (გაგრძელება)****სახელშეკრულებო ნაშთი****სავაჭრო მოთხოვნები**

მოთხოვნების აღიარება ხდება იმ შემთხვევაში, თუ მომხმარებლისგან უპირობოდ მიიღება საზღაურის თანხა (ე.ი. მხოლოდ დროის გასვლაა საჭირო საზღაურის გადახდის თარიღის დადგომამდე). ჯგუფის მოთხოვნების უმრავლესობა მოკლევადიანია და არ მოიცავს დაფინანსების მნიშვნელოვან კომპონენტს. ჯგუფი მოკლევადიან სავაჭრო მოთხოვნებს ნომინალური ღირებულებით აღიარებს და არ ითვალისწინებს დისკონტირების ეფექტებს.

სახელშეკრულებო ვალდებულებები

სახელშეკრულებო ვალდებულების აღიარება ხდება იმ შემთხვევაში, თუ მომხმარებლისგან გადახდა მიიღება ან გადახდის ვადა დადგება (რომელსაც უფრო ადრე ექნება ადგილი) ჯგუფის მიერ შესაბამისი საქონლის ან მომსახურების გადაცემამდე. სახელშეკრულებო ვალდებულებები ამონაგებად აღიარდება, როდესაც ჯგუფი მათ შეასრულებს ხელშეკრულების საფუძველზე (ე.ი. მომხმარებელს გადასცემს კონტროლს შესაბამისი საქონელზე ან მომსახურებებზე). ჯგუფის სახელშეკრულებო ვალდებულებები არ მოიცავს დაფინანსების მნიშვნელოვან კომპონენტს. ჯგუფი პრაქტიკულ მიდგომას იყენებს და სახელშეკრულებო ვალდებულებებისთვის არ აღიარებს დაფინანსების მნიშვნელოვან კომპონენტს, როდესაც ჯგუფი გეგმავს განახორციელოს საქონლის მიწოდება და დააკმაყოფილოს შესასრულებელი ვალდებულება წარმოშობიდან 12 თვის განმავლობაში.

ბ) ძირითადი საშუალებები

ძირითადი საშუალებები და დაუმთავრებელი მშენებლობა ასახულია თვითღირებულებით, დაგროვილი გაუფასურების ზარალის (ასეთის არსებობის შემთხვევაში) გამოკლებით. რემონტის და ტექნომსახურების ყველა სხვა დანახარჯი გაწევისთანავე აღიარდება ადმინისტრაციული ხარჯებში შემავალ მოგება-ზარალში.

ვაზის გაშენება წარმოდგენს ხარჯს, რომელიც გაიწია ახალი ვაზის ჩასაყრელად და მოსავლეად პირველი მოსავლის მოწევამდე. მას შემდეგ, რაც ვაზი მოსავალს იძლევა, დაგროვილი დანახარჯი გადაიტანება მოწეულ ვაზზე და მათ სასარგებლო ეკონომიკურ მომსახურების ვადას ერიცხება ცვეთა.

ცვეთა გამოითვლება წრფივი მეთოდით აქტივების სასარგებლო მომსახურების სავარაუდო ვადაზე შემდეგნაირად:

ვაზი	45-დან 50 წლამდე
შენობა-ნაგებობები	15-დან 20 წლამდე
მანქანა-დანადგარები და აღჭურვილობა	5-დან 15 წლამდე
ავტოსატრანსპორტო საშუალებები	5-დან 8 წლამდე
სხვა	3-დან 8 წლამდე

აქტივებზე ცვეთის დარიცხვა ხდება აქტივის ექსპლუატაციაში შეყვანის მომდევნო თვიდან. მიწას და ვენახს ცვეთა არ ერიცხება.

ცვეთის დარიცხვა

წარმოების პროცესში უშუალოდ მონაწილე ძირითად საშუალებებზე ცვეთის დანარიცხი წარმოადგენს საწარმოო ზედნადებ ხარჯს და აღირიცხება, როგორც გაყიდული საქონლის თვითღირებულება (თუ წარმოებული მარაგები გაიყიდა) ან, როგორც მარაგები (თუ წარმოებული მარაგები არ გაიყიდა). ცვეთის ხარჯი ძირითადი საშუალებების სხვა მუხლებზე აღიარდება გასაყიდ დანახარჯებსა და საერთო და ადმინისტრაციულ ხარჯებში, აქტივების ხასიათიდან და მიზნიდან გამომდინარე.

(ათას ლარში)

2. არსებითი სააღრიცხვო პოლიტიკა (გაგრძელება)

2.3. არსებითი სააღრიცხვო პოლიტიკის მიმოხილვა (გაგრძელება)

გ) ბიოლოგიური აქტივები და პროდუქტები

ყურძნის მოსავლის აღება, როგორც წესი, სექტემბრიდან ოქტომბრამდე ხდება. მოსავლის აღებამდე ხდება ყურძნის მოყვანის დანახარჯების მომდევნო პერიოდზე გადატანა, მარაგების ნაწილში. მოსავლის აღებისთანავე ყურძენი სასოფლო-სამეურნეო პროდუქცია ხდება და შესაბამისად გასაყიდი ფასით შემცირებული სამართლიანი ღირებულებით ფასდება, სრული შემოსავლის ანგარიშგებაში აღიარებული სამართლიანი ღირებულების შემოსულობით ან ზარალით.

ყურძნის სამართლიანი ღირებულება განისაზღვრება მოსავლის აღების მომენტში სავარაუდო საბაზრო ფასებზე დაყრდნობით. ზოგადად, ჯგუფის ყურძნის ზუსტი საბაზრო ფასით შეფასება შეუძლებელია, რადგან ყურძენი არ იყიდება ღია ბაზარზე, ამიტომ ხელმძღვანელობა ღირებულებას ადგენს საკუთარი გამოცდილებისა და დარგის ცოდნის საფუძველზე, წარსულში ყიდვის გარიგებების გათვალისწინებით.

გაყიდვის დანახარჯებით შემცირებული სამართლიანი ღირებულებით შეფასების შედეგი წარმოადგენს ყურძნის პირობით ღირებულებას, რომელიც მოსავლის აღების შემდეგ გადაიტანება მარაგების ნაწილში.

დ) მარაგები

მარაგები ფასდება თვითღირებულებასა და წმინდა სარეალიზაციო ღირებულებას შორის უმცირესით.

თითოეული პროდუქტის ამჟამინდელ ადგილმდებარეობამდე და მდგომარეობამდე მისაყვანად გაწეული დანახარჯები შემდეგი სახით აღირიცხება:

- ▶ ნედლეული: შესყიდვის ფასი საშუალო შეწონილ საფუძველზე;
- ▶ მზა პროდუქცია და დაუმთავრებელი წარმოება: პირდაპირი მასალების და შრომის თვითღირებულება და საწარმოო ზედნადები ხარჯების წილი ჩვეულებრივი საწარმოო სიმძლავრის პირობებში, მაგრამ ნასესხებ სახსრებთან დაკავშირებული დანახარჯების გამოკლებით.

მარაგები ირიცხება გაყიდული საქონლის თვითღირებულებაზე საშუალო შეწონილ საფუძველზე.

წმინდა სარეალიზაციო ღირებულება გამოითვლება, როგორც ჩვეული საქმიანობის პროცესში დასრულების და გაყიდვის სავარაუდო ხარჯით შემცირებული სავარაუდო გასაყიდი ფასი.

ე) უცხოური ვალუტა

ჯგუფის კონსოლიდირებული ფინანსური ანგარიშგება წარმოდგენილია ლარში, რომელიც ასევე ჯგუფის სამუშაო ვალუტაა.

ვ) გადასახადები

მიმდინარე მოგების გადასახადი

საწარმოების მიერ მიღებული წლიური მოგება, გარდა ბანკებისა, სადაზღვევო კომპანიებისა და მიკროსაფინანსო ორგანიზაციებისა, 2017 წლის 1 იანვრიდან არ იბეგრება საქართველოში. მოგების გადასახადი დაირიცხება იმ მფლობელებზე დივიდენდებზე განაწილებულ მოგებაზე, რომლებიც ფიზიკური პირები ან არარეზიდენტები არიან საქართველოში. გადასახადი დაანგარიშდება განაწილებული წმინდა თანხიდან 15/85 განაკვეთის გამოყენებით. დივიდენდების გადახდიდან წარმოქმნილი მოგების გადასახადი აღირიცხება ვალდებულების და ხარჯის სახით, იმ პერიოდში, როდესაც ხდება დივიდენდების გამოცხადება, მიუხედავად გადახდის ფაქტიური თარიღისა ან იმ პერიოდისა, როდესაც მოხდება დივიდენდების გადახდა. გარკვეულ შემთხვევებში დასაშვებია დარიცხული საგადასახადო ვალდებულებებიდან გამოკეტივები, რომლებიც აღირიცხება, როგორც შესაბამის განაწილებასთან დაკავშირებული მოგების გადასახადის ხარჯის შემცირება.

(ათას ლარში)

2. არსებითი სააღრიცხვო პოლიტიკა (გაგრძელება)**2.3. არსებითი სააღრიცხვო პოლიტიკის მიმოხილვა (გაგრძელება)**

საქართველოს საგადასახადო სისტემის თავისებურებიდან გამომდინარე, საქართველოში რეგისტრირებულ საწარმოებს არ წარმოეშვებათ გადავადებული საგადასახადო აქტივები და ვალდებულებები. ჯგუფის მფლობელებზე დივიდენდის განაწილებასთან დაკავშირებით დაკავებული გადასახადი კონსოლიდირებული საკუთარი კაპიტალის ცვლილებების ანგარიშგებაში აღიარებულია საკუთარი კაპიტალიდან გამოქვითვის სახით.

საქართველოს საგადასახადო კანონმდებლობა ასევე ითვალისწინებს მოგების გადასახადით გარკვეული ოპერაციების დაბეგვრას, რომლებიც შეიძლება ჩაითვალოს მოგების განაწილებად (მაგალითად, არასაბაზრო ფასებით აღრიცხული გარიგებები, ბიზნესსაქმიანობასთან დაუკავშირებელი ხარჯები, ან საქონლისა და მომსახურების უსასყიდლო მიწოდება). ამგვარი გარიგებების დაბეგვრა აღიარდება საოპერაციო გადასახადების ანალოგიურად და აღიარდება, როგორც სხვა გადასახადები ადმინისტრაციულ ხარჯებში კონსოლიდირებული სრული შემოსავლის ანგარიშგებაში.

დამატებული ღირებულების გადასახადი („დღგ“)

ამონაგების, ხარჯებისა და აქტივების აღიარება ხდება ბრუნვიდან გადასახადის თანხის გამოკლებით, გარდა იმ შემთხვევებისა:

- ▶ როდესაც აქტივების ან მომსახურების შესყიდვაზე დარიცხული ბრუნვიდან გადასახადი არ ექვემდებარება საგადასახადო ორგანოსგან დაბრუნებას, ბრუნვიდან გადასახადის აღიარება მოხდება აქტივის შესყიდვაზე გაწეულ დანახარჯებში ან ხარჯის მუხლში, კონკრეტული შემთხვევიდან გამომდინარე;
- ▶ როდესაც მოთხოვნები და ვალდებულებები მოიცავს ბრუნვიდან გადასახადის თანხას.

საგადასახადო ორგანოებისთვის გადასახდელი ან მათგან დასაბრუნებელი ბრუნვიდან გადასახადის წმინდა ოდენობა ასახულია კონსოლიდირებული ფინანსური მდგომარეობის ანგარიშგების სავაჭრო მოთხოვნების და სავაჭრო ვალდებულებების ნაწილის მუხლში.

საგადასახადო აქტივების და ვალდებულებების ნეტო საფუძველზე წარმოდგენა

2016 წლის 1 იანვრიდან საქართველოს კანონმდებლობაში შევიდა ცვლილებები გადასახადის გადახდის წესებთან დაკავშირებით. ახალი წესების მიხედვით, საქართველოს შემოსავლების სამსახური გააკონტროლებს გადასახადის გადამხდელის ნეტო (წმინდა) დავალიანებას სახელმწიფოს მიმართ გადასახადის გადამხდელის კონსოლიდირებული ანგარიშის დანერგვით. ამიტომ ჯგუფი ყველა საგადასახადო ვალდებულებასთან და მოთხოვნასთან დაკავშირებულ აქტივებს და ვალდებულებებს ნეტო საფუძველზე წარმოადგენს.

ზ) ფინანსური ინსტრუმენტები – საწყისი აღიარება და შემდგომი შეფასება**ფინანსური აქტივები**

საწყისი აღიარება და შემდგომი შეფასება

საწყისი აღიარებისას ფინანსური აქტივების კლასიფიცირება ხდება, როგორც შემდგომში შეფასებული ამორტიზებული ღირებულებით, სამართლიანი ღირებულებით სხვა სრულ შემოსავალში და სამართლიანი ღირებულებით მოგებაში ან ზარალში ასახვით.

ფინანსური აქტივების ისეთი ყიდვა-გაყიდვა, როდესაც საჭიროა მათი ჩაბარება ნორმატიული აქტებით ან ბაზარზე დამკვიდრებული პრაქტიკით (გარიგების სტანდარტული პროცედურა) გათვალისწინებულ ვადაში, აღიარდება გარიგების თარიღით, ანუ იმ თარიღით, როდესაც ჯგუფი იღებს აქტივის შესყიდვის ან გაყიდვის ვალდებულებას.

(ათას ლარში)

2. არსებითი სააღრიცხვო პოლიტიკა (გაგრძელება)

2.3. არსებითი სააღრიცხვო პოლიტიკის მიმოხილვა (გაგრძელება)

ფინანსური აქტივების გაუფასურება

ფინანსური აქტივების გაუფასურებასთან დაკავშირებული დამატებითი ინფორმაცია წარმოდგენილია შემდეგ შენიშვნებში:

- ▶ მნიშვნელოვანი სააღრიცხვო განსჯა, შეფასებები და დაშვებები (მე-3 შენიშვნა);
- ▶ სავაჭრო მოთხოვნები (მე-8 შენიშვნა);
- ▶ გაცემული სესხები (მე-10 შენიშვნა).

ჯგუფი აღიარებს მოსალოდნელი საკრედიტო ზარალის რეზერვს ყველა სავალო ინსტრუმენტისთვის, რომლებსაც არ აღრიცხავს სამართლიანი ღირებულებით მოგებაში ან ზარალში. მოსალოდნელი საკრედიტო ზარალი ეყრდნობა სხვაობას ხელშეკრულებით გათვალისწინებულ ფულად ნაკადებსა და ჯგუფის ყველა მოსალოდნელ ფულად ნაკადს შორის, და დისკონტირებულია თავდაპირველ ეფექტურ საპროცენტო განაკვეთთან მიახლოებული განაკვეთით. მოსალოდნელ ფულად ნაკადებში შედის ფულადი ნაკადები დასაკუთრებული უზრუნველყოფის საგნიდან ან სხვა საკრედიტო რისკის შემცირების საშუალებებიდან, რომლებიც ხელშეკრულების პირობების განუყოფელი ნაწილია.

მოსალოდნელი საკრედიტო ზარალი ორ ეტაპად აღიარდება. საკრედიტო რისკის ზომისთვის, რომლისთვისაც საწყისი აღიარების შემდეგ ადგილი არ ჰქონია მნიშვნელოვან ზრდას საკრედიტო რისკში, მოსალოდნელი საკრედიტო ზარალი აღიარდება საკრედიტო ზარალზე, რომელიც წარმოიშობა დეფოლტის შემთხვევებიდან და რომელიც მოსალოდნელია მომდევნო 12 თვის განმავლობაში (12- თვიანი მოსალოდნელი საკრედიტო ზარალი). იმ საკრედიტო რისკის ზომისთვის, რომლისთვისაც ადგილი ჰქონდა საკრედიტო რისკის მნიშვნელოვან ზრდას საწყისი აღიარებიდან, ხოლო ზარალის რეზერვი საჭიროა საკრედიტო ზარალისთვის, რომელიც მოსალოდნელია რისკის ზომის დარჩენილ ვადაზე, მიუხედავად დეფოლტის ვადისა (არსებობის მანძილზე მოსალოდნელი საკრედიტო ზარალი).

სავაჭრო მოთხოვნებისთვის ჯგუფი იყენებს მოსალოდნელი საკრედიტო ზარალის გამოთვლის გამარტივებულ მეთოდს. შესაბამისად, ჯგუფი ნაცვლად საკრედიტო რისკების ცვლილებების აღრიცხვისა, აღიარებს ზარალის რეზერვს არსებობის მანძილზე მოსალოდნელი საკრედიტო ზარალის საფუძველზე ყოველი საანგარიშგებო თარიღისთვის. ჯგუფმა შეადგინა ანარიცხების მატრიცა, რომელიც ეყრდნობა საკრედიტო ზარალის წარსულ გამოცდილებას და დაკორექტირებულია დებიტორებისა და ეკონომიკური გარემოსთვის დამახასიათებელი საპროგნოზო ფაქტორების შესაბამისად.

საკრედიტო დაწესებულებებში არსებული თანხებისთვის (ფულადი სახსრები და მათი ეკვივალენტები, საბანკო ანაბრები) და გაცემული სესხებისთვის, ჯგუფი მოსალოდნელ საკრედიტო ზარალს ანგარიშობს 12-თვიანი მოსალოდნელი საკრედიტო ზარალის მეთოდის გამოყენებით. 12-თვიანი მოსალოდნელი საკრედიტო ზარალი არის აქტივის არსებობის მანძილზე მოსალოდნელი საკრედიტო ზარალის ნაწილი, რომელიც იწვევს დეფოლტის შემთხვევებს ფინანსურ ინსტრუმენტზე და რომლებიც შესაძლოა დადგეს საანგარიშგებო თარიღიდან 12 თვის განმავლობაში. თუმცა, როდესაც წარმოშობის თარიღის შემდგომ ადგილი აქვს საკრედიტო რისკის მნიშვნელოვან ზრდას, რეზერვი დაეფუძნება არსებობის მანძილზე მოსალოდნელი საკრედიტო ზარალის მეთოდს.

ჯგუფი ფინანსურ აქტივს ვადაგადაცილებულად მიიჩნევს, როდესაც სახელშეკრულებო გადახდები ვადაგადაცილებულია 90 დღით. თუმცა, გარკვეულ შემთხვევებში, ჯგუფმა შეიძლება ფინანსური აქტივი ვადაგადაცილებულად მაშინაც მიიჩნიოს, როდესაც შიდა ან გარე ინფორმაცია მიანიშნებს იმაზე, რომ სავარაუდოდ ჯგუფი სრულად ვერ მიიღებს დაუფარავ სახელშეკრულებო თანხებს, ჯგუფის მფლობელობაში არსებული საკრედიტო რისკის შემცირების საშუალებების გათვალისწინების გარეშე. ფინანსური აქტივი ჩამოიწერება მაშინ, როდესაც არ არსებობს გონივრული მოლოდინი იმისა, რომ სახელშეკრულებო ფულადი ნაკადების ამოღება მოხდება. ადრე ჩამოწერილი თანხების შემდგომი ამოღება კონსოლიდირებულ სრული შემოსავლის ანგარიშგებაში ამცირებს ფინანსური აქტივების გაუფასურების ხარჯს.

ფინანსური ვალდებულებები

ჯგუფის ფინანსური ვალდებულებები იზღუდება სესხებისა და ნასესხები სახსრების კატეგორიით, რომელიც, თავის მხრივ მოიცავს სავაჭრო და სხვა ვალდებულებებს, რომლებიც ამორტიზებული ღირებულებით ფასდება, ეფექტური საპროცენტო განაკვეთის მეთოდით.

(ათას ლარში)

2. არსებითი სააღრიცხვო პოლიტიკა (გაგრძელება)

2.3. არსებითი სააღრიცხვო პოლიტიკის მიმოხილვა (გაგრძელება)

აღიარების შეწყვეტა

ფინანსური ვალდებულებების აღიარება წყდება მაშინ, როდესაც ისინი იფარება, ბათილდება ან ამოიწურება.

არსებული ფინანსური ვალდებულების იმავე სესხის გამცემის მიმართ არსებითად განსხვავებული პირობების მქონე (როგორც არის მოდიფიცირებული ფულადი ნაკადების დღევანდელი ღირებულება, რომელიც დისკონტირდება თავდაპირველი ეფექტური საპროცენტო განაკვეთით, თავდაპირველი ვალდებულების საბალანსო ღირებულება 10%-ზე მეტით განსხვავდება) სხვა ვალდებულებით ჩანაცვლების შემთხვევაში, ან არსებული ვალდებულების პირობები არსებითად არის მოდიფიცირებული (მაგალითად, ვალუტის გამოხატვის ცვლილება, საპროცენტო განაკვეთის დარიცხვის საფუძვლის ცვლილება ფიქსირებულიდან მცოცავზე, ან პირიქით, ან საკუთარი კაპიტალის კონვერსია), ამგვარი ცვლილება ან მოდიფიცირება მიიჩნევა თავდაპირველი ვალდებულების აღიარების შეწყვეტად და ახალი ვალდებულების რეგისტრაციად. სხვაობა შესაბამის საბალანსო ღირებულებებს შორის აღიარდება კონსოლიდირებულ სრული შემოსავლის ანგარიშგებაში.

თ) არაფინანსური აქტივების გაუფასურება

ჯგუფი თითოეული საანგარიშგებო თარიღისთვის აფასებს, არსებობს თუ არა აქტივის შესაძლო გაუფასურების ნიშნები. ასეთი ნიშნების არსებობის შემთხვევაში, ან როდესაც საჭიროა აქტივის (გუდვილი) წლიური გაუფასურების ტესტის ჩატარება, ჯგუფი აფასებს აქტივის ანაზღაურებად ღირებულებას. აქტივის ანაზღაურებად ღირებულება არის აქტივის ან ფულადი სახსრების წარმომქმნელი ერთეულის გასვლის დანახარჯებით შემცირებულ სამართლიან ღირებულებასა და აქტივის გამოყენების ღირებულებას შორის უდიდესი. აქტივის ანაზღაურებად ღირებულება განისაზღვრება ცალკეული აქტივისთვის, გარდა იმ შემთხვევისა, როდესაც აქტივიდან არ ხდება ფულადი სახსრების შემოდინება, რაც მეტწილად დამოუკიდებელია სხვა აქტივებიდან ან აქტივების ჯგუფიდან მიღებულ ფულად ნაკადებზე. როდესაც აქტივის ან ფულადი სახსრების წარმომქმნელი ერთეულის საბალანსო ღირებულება მის ანაზღაურებად ღირებულებას აჭარბებს, აქტივი გაუფასურებულად მიიჩნევა და ჩამოიწერება ანაზღაურებად ღირებულებამდე.

გამოყენების ღირებულების განსაზღვრისას, შეფასებული მომავალი ფულადი ნაკადების დღევანდელი ღირებულებამდე დისკონტირება ხდება დაბეგვრამდე დისკონტირების განაკვეთის გამოყენებით, რომელიც ასახავს ფულის დროითი ღირებულების არსებულ საბაზრო შეფასებებს და აქტივისთვის დამახასიათებელ რისკებს. გაყიდვის დანახარჯებით შემცირებული სამართლიანი ღირებულების გამოთვლა ხდება ბოლოდროინდელი საბაზრო გარიგებების გათვალისწინებით. ამგვარი გარიგებების გამოვლენის შეუძლებლობის შემთხვევაში, გამოიყენება შესაბამისი შეფასების მოდელი. ამ გამოთვლების დასაბუთება ხდება შეფასების კოეფიციენტებით, იმ აქტივების კოტირებული ფასებით, რომლებიც საჯაროდ იყიდება ან სამართლიანი ღირებულების სხვა ხელმისაწვდომი მაჩვენებლებით.

ჯგუფი გაუფასურებას გამოითვლის დეტალური ბიუჯეტისა და პროგნოზირებული გაანგარიშების საფუძველზე, რომელსაც ჯგუფი ამზადებს დეტალური ბიუჯეტების და საპროგნოზო კალკულაციების გაუფასურების გაანგარიშებაზე, რომლებიც, თავის მხრივ, ინდივიდუალურად მზადდება ჯგუფის ფულადი ნაკადების წარმომქმნელი თითოეული ერთეულისთვის. ეს საბიუჯეტო და საპროგნოზო გაანგარიშებები ჩვეულებრივ ექვსწლიან პერიოდს მოიცავს. უფრო ხანგრძლივი პერიოდებისთვის, გამოითვლება გრძელვადიანი ზრდის ტემპი, რომელიც გამოიყენება ექვსი წლის შემდგომი ფულადი ნაკადების პროგნოზირებისთვის.

განგრძობითი ოპერაციების გაუფასურების, მათ შორის მარაგების გაუფასურების ზარალი აღიარდება სხვა სრული შემოსავლის ანგარიშგებაში ხარჯების კატეგორიებში, გაუფასურებული აქტივის ფუნქციის შესაბამისი ხარჯების კატეგორიებში.

ყოველი საანგარიშგებო თარიღისთვის განისაზღვრება არსებობს თუ არა იმის ნიშნები, რომ ადრე აღიარებული გაუფასურების ზარალი აღარ არსებობდეს ან შემცირებულია. ასეთი ნიშნის არსებობის შემთხვევაში, ჯგუფი აფასებს აქტივის ან ფულადი სახსრების წარმომქმნელი ერთეულის ანაზღაურებად ღირებულებას. ადრე აღიარებული გაუფასურების ზარალის გაუქმება მხოლოდ მაშინ არის შესაძლებელი, თუ გაუფასურები ზარალის ბოლო აღიარების შემდეგ აქტივის ანაზღაურებად ღირებულების განმსაზღვრელ დაშვებებში გარკვეული ცვლილებები მომხდარი. გაუქმების შედეგად აქტივის საბალანსო ღირებულებამ არ უნდა გადააჭარბოს მის ანაზღაურებად ღირებულებას და ასევე არ უნდა გადააჭარბოს იმ საბალანსო ღირებულებას, რომელიც განისაზღვრებოდა ცვთის გამოკლებით, წინა წლებში აქტივის გაუფასურების ზარალი რომ არ ყოფილიყო აღიარებული. ასეთი გაუქმების აღიარება სრული შემოსავლის ანგარიშგებაში ხდება, თუ აქტივი არ არის აღრიცხული გადაფასებული ღირებულებით, რა შემთხვევაშიც გაუქმება აღრიცხება როგორც აფასება.

(ათას ლარში)

2. არსებითი სააღრიცხვო პოლიტიკა (გაგრძელება)**2.3. არსებითი სააღრიცხვო პოლიტიკის მიმოხილვა (გაგრძელება)****ი) ფულადი სახსრები და მათი ეკვივალენტები**

ფულადი სახსრები და მათი ეკვივალენტები კონსოლიდირებული ფინანსური მდგომარეობის ანგარიშგებაში მოიცავს ნაღდი ფულის ნაშთს ბანკში და სალაროში და მოკლევადიან მაღალლიკვიდურ ანაზღაურებს, სამთვლიანი ან ნაკლები დაფარვის ვადით.

კ) სამართლიანი ღირებულების შეფასება

ჯგუფი ფინანსურ ინსტრუმენტებს და არაფინანსურ აქტივებს, მაგალითად სასოფლო-სამეურნეო პროდუქციას აფასებს გაყიდვის ღირებულებით შემცირებული სამართლიანი ღირებულებით ბალანსის ყოველი თარიღის და მოსავლის აღების დროისთვის.

ჯგუფი იყენებს შეფასების მეთოდებს, რომლებიც შესაფერისია არსებული გარემოებებისთვის და რომელთა გამოყენებითაც სამართლიანი ღირებულების შესაფასებლად საკმარისი მონაცემები მოიძებნება, და რომლებშიც მაქსიმალურად გამოიყენება ემპირიული და მინიმალურად - არაემპირიული ამოსავალი მონაცემები,

ყველა აქტივი და ვალდებულება, რომელთა სამართლიანი ღირებულება შეფასებულია ან წარმოდგენილია კონსოლიდირებულ ფინანსურ ანგარიშგებაში, დაჯგუფებულია სამართლიანი ღირებულების ქვემოთ მოცემული იერარქიის მიხედვით, ყველაზე დაბალი დონის ამოსავალი მონაცემების საფუძველზე, რომელიც მთლიანობაში მნიშვნელოვანია სამართლიანი ღირებულების შეფასებისას:

- ▶ 1-ლი დონე – იდენტური აქტივების ან ვალდებულებების კოტირებული (დაუკორექტირებელი) საბაზრო ფასები აქტიურ ბაზარზე;
- ▶ მე-2 დონე - შეფასების მეთოდები, რომელთა მიხედვითაც შესაძლებელია სამართლიანი ღირებულების შეფასებისთვის აუცილებელი ყველაზე დაბალი დონის ამოსავალი მონაცემის პირდაპირი ან არაპირდაპირი განსაზღვრა;
- ▶ მე-3 დონე - შეფასების მეთოდები, რომელთა მიხედვითაც შეუძლებელია სამართლიანი ღირებულების შეფასებისთვის აუცილებელი ყველაზე დაბალი დონის მონაცემის განსაზღვრა.

კონსოლიდირებულ ფინანსურ ანგარიშგებაში რეგულარულად აღიარებული აქტივებისა და ვალდებულებების იერარქიის ერთი დონიდან მეორეში გადასვლის ფაქტს ჯგუფი განსაზღვრავს კატეგორიზაციის ხელახლა შეფასებით (მთლიანი სამართლიანი ღირებულების შეფასებისთვის აუცილებელი ყველაზე დაბალი დონის მონაცემის საფუძველზე) ყოველი საანგარიშგებო პერიოდის ბოლოსთვის.

2.4. ახალი და გადასინჯული სტანდარტები, რომლებიც ჯერ არ არის ძალაში შესული**ახალი და შეცვლილი სტანდარტები და ინტერპრეტაციები**

ჯგუფმა პირველად გამოიყენა კონკრეტული სტანდარტები და ცვლილებები, რომლებიც ძალაშია 2024 წლის 1 იანვარს და ამ თარიღის შემდეგ დაწყებული ყოველწლიური პერიოდებისთვის (თუ სხვაგვარად არ არის განსაზღვრული). ჯგუფს ვადაზე ადრე არ მიუღია რომელიმე სხვა სტანდარტი, ინტერპრეტაცია ან ცვლილება, რომელიც გამოშვებულია, მაგრამ ძალაში არ არის შესული.

ფასს (IFRS) 16-ის ცვლილებები - საიჯარო ვალდებულება გაყიდვებსა და უკუიჯარაში

ფასს (IFRS) 16-ის ცვლილებები განსაზღვრავს იმ მოთხოვნებს, რომლებსაც იყენებს გამყიდველი-მოიჯარე ყიდვა-გაყიდვის და უკუიჯარის ოპერაციებიდან წარმოშობილი საიჯარო ვალდებულების შეფასებისას, რათა უზრუნველყოს ის, რომ მყიდველმა-მოიჯარემ არ აღიაროს შემოსულობის ან ზარალის ისეთი თანხა, რომელიც მის მიერ შენარჩუნებულ გამოყენების უფლებას უკავშირდება. ცვლილებებს გავლენა არ აქვთ ჯგუფის კონსოლიდირებულ ფინანსურ ანგარიშგებაზე.

ბასს (IAS) 1-ის ცვლილებები - ვალდებულებების მოკლევადიანად და გრძელვადიანად კლასიფიცირება

(ათას ლარში)

2. არსებითი სააღრიცხვო პოლიტიკა (გაგრძელება)

2.4. ახალი და გადასინჯული სტანდარტები, რომლებიც ჯერ არ არის ძალაში შესული (გაგრძელება)

ბასს (IAS) 1-ის ცვლილებებით განსაზღვრულია ვალდებულებების მოკლე და გრძელვადიანად კლასიფიკაციის მოთხოვნები. ცვლილებებით განისაზღვრება:

- ▶ რას ნიშნავს ანგარიშსწორების გადავადების უფლება;
- ▶ რომ გადავადების უფლება უნდა არსებობდეს საანგარიშგებო პერიოდის დასრულების თარიღში;
- ▶ რომ კლასიფიკაციაზე არ მოქმედებს იმის ალბათობა, რომ საწარმო ისარგებლებს გადავადების უფლებით;
- ▶ რომ მხოლოდ იმ შემთხვევაში, თუ კონვერტირებად ვალდებულებაში განივთებული წარმოებული ინსტრუმენტი თავად არის წილობრივი ინსტრუმენტი, ვალდებულების პირობები არ იმოქმედებს კლასიფიკაციაზე.

ამასთან, საწარმო ვალდებულია გაამჟღავნოს ინფორმაცია სესხის ხელშეკრულებიდან წარმოშობილი ვალდებულების გრძელვადიანად კლასიფიცირების და საწარმოს მიერ ანგარიშსწორების გადავადების უფლების შესახებ, რომელიც დამოკიდებულია მომავალი ვალდებულებების დაცვაზე თორმეტი თვის განმავლობაში.

ამ ცვლილებებმა გამოიწვია მე-13 შენიშვნაში დამატებითი განმარტებითი შენიშვნების გაკეთება, თუმცა მათ გავლენა არ ჰქონიათ ჯგუფის ვალდებულებების კლასიფიკაციაზე.

მიმწოდებლის ფინანსური გარიგებები - ბასს (IAS) 7-ის და ფასს (IFRS) 7-ის ცვლილებები

ბასს (IAS) 7-ის („ფულადი ნაკადების ანგარიშგება“) და ფასს (IFRS) 7-ის („ფინანსური ინსტრუმენტები“) ცვლილებები: მომწოდებლის ფინანსური გარიგებების მახასიათებლების განმარტებითი შენიშვნები და ამგვარი გარიგებების დამატებითი განმარტებების მოთხოვნა. ცვლილებები განმარტებითი შენიშვნების მოთხოვნის მიზანია ფინანსური ანგარიშგებების მომხმარებლებს დაეხმაროს საწარმოს ვალდებულებებზე, ფულად ნაკადებზე ან ლიკვიდობის რისკის ზომაზე მიმწოდებლის ფინანსური შეთანხმებების ეფექტების გააზრებაში. ამ ცვლილებებს არსებითი გავლენა არ ჰქონიათ ჯგუფზე და სხვა განმარტებითი შენიშვნების დამატება არ მომხდარა.

ახალი სტანდარტები და ინტერპრეტაციები, რომლებიც ჯერ არ არის მიღებული

ქვემოთ განსაზღვრულია ახალი და გადასინჯული სტანდარტები და ინტერპრეტაციები, რომლებიც უკვე გამოიცა, მაგრამ ძალაში არ არის შესული ჯგუფის ინდივიდუალური ფინანსური ანგარიშგების გამოშვების თარიღისთვის. ჯგუფი ამ ახალი და გადასინჯული სტანდარტების და ინტერპრეტაციების (ასეთის არსებობის შემთხვევაში) მიღებას გეგმავს მათი ძალაში შესვლისთანავე და განაგრძობს გავლენას თავის კონსოლიდირებულ ფინანსურ ანგარიშგებაზე:

„ურთიერთგაცვლის შესაძლებლობის არარსებობა“ – ცვლილებები ბასს (IAS) 21-ში

2023 წლის აგვისტოში ბუღალტრული აღრიცხვის საერთაშორისო სტანდარტების საბჭომ გამოუშვა ცვლილებები ბასს (IAS) 21-ში „*უცხოური ვალუტის კურსის ცვლილებებით გამოწვეული შედეგები*“, რითაც დააკონკრეტა, როგორ უნდა შეაფასოს საწარმომ, არის თუ არა ვალუტა ურთიერთგაცვლადი და როგორ უნდა განსაზღვროს სპოტ სავალუტო კურსი, როდესაც ურთიერთგაცვლა შეუძლებელია. ცვლილებები ასევე მოითხოვს იმ ინფორმაციის გამჟღავნებას, რომელიც კონსოლიდირებული ფინანსური ანგარიშგებების მომხმარებლებს საშუალებას მისცემს, გაერკვნენ იმაში, თუ როგორ მოქმედებს ან სავარაუდოდ როგორ იმოქმედებს ვალუტა, რომელიც არ არის ურთიერთგაცვლადი სხვა ვალუტაში, საწარმოს კონსოლიდირებულ ფინანსურ შედეგებზე, ფინანსურ მდგომარეობაზე და კონსოლიდირებულ ფულად ნაკადებზე.

ძალაში შევა 2025 წლის 1 იანვარს ან მის შემდგომ დაწყებული წლიური საანგარიშგებო პერიოდებისთვის. ვადაზე ადრე მიღება ნებადართულია, თუმცა საჭირო იქნება ამ ინფორმაციის გამჟღავნება. ცვლილებების გამოყენებისას საწარმოს არ შეუძლია შესადარისი ინფორმაციის გადაანგარიშება.

მოსალოდნელი არ არის რომ ამ ცვლილებებს არსებითი გავლენა ექნებათ ჯგუფის კონსოლიდირებულ ფინანსურ ანგარიშგებაზე.

(ათას ლარში)

2. არსებითი სააღრიცხვო პოლიტიკა (გაგრძელება)

2.4. ახალი და გადასინჯული სტანდარტები, რომლებიც ჯერ არ არის ძალაში შესული (გაგრძელება)

ფასს (IFRS) 18 - „ფინანსური ანგარიშგების წარდგენა და განმარტებითი შენიშვნები“

2024 წლის აპრილის თვეში ბუღალტრული აღრიცხვის საერთაშორისო სტანდარტების საბჭომ გამოსცა ფასს (IFRS) 18, რომელიც ჩაანაცვლებს ბასს (IAS) 1-ს („ფინანსური ანგარიშგებების წარდგენა“). ფასს (IFRS) 18 ადგენს მოგება-ზარალის ანგარიშგების ფარგლებში ინფორმაციის წარდგენის, მათ შორის ჯამების და ქვეჯამების მითითების ახალ მოთხოვნებს. გარდა ამისა, საწარმოები ვალდებული არიან კონსოლიდირებულ მოგება-ზარალის ანგარიშგებაში განახორციელონ ყველა შემოსავლის და ხარჯის კლასიფიცირება

ხუთი კატეგორიიდან ერთ-ერთით: საოპერაციო, საინვესტიციო, საფინანსო, მოგების გადასახადი და შეწყვეტილი ოპერაციები, საიდანაც პირველი სამი ახალი კატეგორიაა.

ის ასევე მოითხოვს ახლად განსაზღვრული ხელმძღვანელობის მიერ არჩეული შესრულების მაჩვენებლების საზომების - შემოსავლისა და ხარჯების ქვეჯამების გამჟღავნებას, ასევე ახალ მოთხოვნებს ფინანსური ინფორმაციის აგრეგირების და დეზაგრეგირების შესახებ, ფინანსურ ანგარიშგებებსა და განმარტებით შენიშვნებში გამოვლენილი „როლების“ საფუძველზე.

ამასთან, მცირემასშტაბიანი ცვლილებები განხორციელდა ბასს (IAS) 7-ში („ფულადი ნაკადების ანგარიშგება“), რაც მოიცავს ოპერაციებიდან ფულადი ნაკადების განსაზღვრის საწყისი წერტილის ცვლილებას არაპირდაპირი მეთოდის ფარგლებში, „მოგება-ზარალიდან“ „საოპერაციო მოგება-ზარალზე“; ასევე ფულადი ნაკადების ანაზრებიდან და პროცენტიდან კლასიფიკაციასთან დაკავშირებული შერჩევითობის გაუქმებას. ამასთან, განხორციელდა რამდენიმე სხვა სტანდარტის შედეგობრივი ცვლილებები.

ფასს (IFRS) 18 და სხვა სტანდარტების ცვლილებები ძალაშია

2027 წლის 1 იანვრით დაწყებული საანგარიშგებო პერიოდებისთვის. დასაშვებია ვადაზე ადრე მიღება, რაც აუცილებლად უნდა იყოს გაცხადებული. ფასს (IFRS) 18-ის გამოყენება რეტროსპექტულად მოხდება.

დღეისათვის ჯგუფი მუშაობს ცვლილებების ყველა გავლენის გამოვლენაზე, რომლებსაც შესაძლოა გავლენა ჰქონდეთ ფინანსურ ანგარიშგებებზე ან ფინანსური ანგარიშგების განმარტებით შენიშვნებზე.

ქვემოთ მოცემულია სხვა სტანდარტები და ინტერპრეტაციები, რომლებიც გამოშვებულია, მაგრამ ჯერ არ არის ძალაში შესული. მოსალოდნელი არ არის, რომ ამ სტანდარტებს ექნებათ გავლენა ჯგუფზე:

ფასს (IFRS) 19 - შვილობილი საწარმოები საჯარო ანგარიშგალდებულების გარეშე: ინფორმაციის გამჟღავნება:

2024 წლის მაისის თვეში, ბუღალტრული აღრიცხვის საერთაშორისო სტანდარტების საბჭომ გამოსცა ფასს (IFRS) 19, რომელიც უფლებამოსილ საწარმოს საშუალებას აძლევს აირჩიოს გამოიყენოს ინფორმაციის გამჟღავნების შეზღუდული მოთხოვნები და ამავდროულად გამოიყენოს აღიარების, შეფასებისა და წარდგენის მოთხოვნები სხვა ფასს (IFRS) სააღრიცხვო სტანდარტებში. უფლებამოსილებისთვის, საანგარიშგებო პერიოდის დასრულების თარიღისთვის საწარმო უნდა იყოს შვილობილი საწარმო ფასს (IFRS) 10-ის შესაბამისად, არ უნდა ჰქონდეს საჯარო ანგარიშგალდებულება და უნდა ჰყავდე მშობელი საწარმო (საბოლოო ან შუალედური), რომელიც ამზადებს საჯაროდ ხელმისაწვდომ კონსოლიდირებულ ფინანსურ ანგარიშგებებს ფასს სააღრიცხვო სტანდარტების შესაბამისად.

ფასს (IFRS) 19 ძალაშია 2027 წლის 1 იანვრით დაწყებული საანგარიშგებო პერიოდებისთვის. ნებადართულია ვადამდელი გამოყენება.

ამ მომენტისთვის ჯგუფი აფასებს ექნება თუ არა მას უფლება მიიღოს და როდის მიიღოს ფასს (IFRS) 19.

(ათას ლარში)

3. მნიშვნელოვანი სააღრიცხვო შეფასება და დაშვება

ჯგუფის კონსოლიდირებული ფინანსური ანგარიშგების მომზადება ხელმძღვანელობის მხრიდან მოითხოვს გარკვეულ შეფასებებსა და დაშვებებს, რაც გავლენას ახდენს ანგარიშგებაში წარმოდგენილი ამონაგების, ხარჯების, აქტივებისა და ვალდებულებების ოდენობაზე, თანდართულ განმარტებით შენიშვნებსა და პირობითი ვალდებულებების გაცხადებაზე. ამ დაშვებებისა და შეფასებების სუბიექტური ხასიათის გამო შეიძლება მნიშვნელოვანი კორექტირების შეტანა გახდეს საჭირო მომავალი პერიოდების აქტივებისა და ვალდებულებების საბალანსო ღირებულებაში.

მომავალთან დაკავშირებით გაკეთებული ძირითადი დაშვებები და შეფასებები და ასევე სხვა განუსაზღვრელობები საანგარიშგებო თარიღისათვის, რომელთა გამოც მომავალ ფინანსურ წელს შეიძლება საჭირო გახდეს მნიშვნელოვანი ცვლილების შეტანა აქტივებისა და ვალდებულებების საბალანსო ღირებულებაში, აღწერილია ქვემოთ. ჯგუფმა თავისი დაშვებებისა და შეფასებების საფუძველად გამოიყენა ის ინფორმაცია, რომელიც ხელმისაწვდომი იყო კონსოლიდირებული ფინანსური ანგარიშგების მომზადების დროს. თუმცა არსებული გარემოებები და მომავალ მოვლენებთან დაკავშირებული დაშვებები შეიძლება შეიცვალოს ბაზარზე ან გარემოებებში ისეთი ცვლილებების გამო, რომლებიც არ ექვემდებარება ჯგუფის კონტროლს. ასეთი ცვლილებები აისახება დაშვებებში მათი დადგომისთანავე.

განსჯა

ჯგუფის სააღრიცხვო პოლიტიკის გამოყენების პროცესში, ხელმძღვანელობამ შემდეგი სახის განსჯა გამოიყენა, რომელსაც განსაკუთრებით მნიშვნელოვანი გავლენა აქვს კონსოლიდირებულ ფინანსურ ანგარიშგებაში აღიარებულ თანხებზე:

მაკონტროლებელი მშობელი საწარმოს განსაზღვრა

ხელმძღვანელობა განსჯას მიმართავს იმის განსაზღვრისას სს „ჯორჯიან ბევერიჯის ჰოლდინგს“ შესწევს თუ არა უნარი წარმართოს ჯგუფის შესაბამისი საქმიანობები ცვლადი საზღაურის სანაცვლოდ, რომელიც უკავშირდება მათ წმინდა მოგებას სესხის და მართვის ხელშეკრულებით განსაზღვრული უფლებებით სარგებლობისას (1-ლი შენიშვნა). მნიშვნელოვანი ფაქტორია ის, რომ „ჯორჯიან ბევერიჯის ჰოლდინგში“ პირდაპირ ფლობს წილს სს „ჰარვესტ ალავერდი“. ხელმძღვანელობა მიიჩნევს, რომ „ჯორჯიან ბევერიჯის ჰოლდინგს“ აქვს შესაძლებლობა მართოს ცვლადი უკუგებები და შესწევს უნარი ისარგებლოს უფლებამოსილებით იმოქმედოს ჯგუფის უკუგებაზე და შესაბამისად ის არის ჯგუფის მშობელი საწარმო.

შეფასებები და დაშვებები

მიღებული პროდუქციის სამართლიანი ღირებულება

ჯგუფის მიერ აღებული მოსავალი შეფასებულია გაყიდვის დანახარჯებით შემცირებული სამართლიანი ღირებულებით მოსავლის აღების დროისთვის. ყურძნის სამართლიანი ღირებულება განისაზღვრება მოსავლის აღების მომენტში სავარაუდო საბაზრო ფასებზე დაყრდნობით. ზოგადად, ჯგუფის ყურძნის ზუსტი საბაზრო ფასით შეფასება შეუძლებელია, რადგან ყურძენი არ იყიდება ღია ბაზარზე, ამიტომ ხელმძღვანელობა ღირებულებას ადგენს საკუთარი გამოცდილებისა და დარგის ცოდნის საფუძველზე, წარსულში ყიდვის გარიგებების გათვალისწინებით.

2024 წლის 31 დეკემბრის მდგომარეობით ზარალი მოწეული და მარაგებში გადატანილი ყურძნის სამართლიან ღირებულებაზე 565 ლარს (2023 წ.: სამართლიანი ღირებულების ზარალი 805 ლარი) შეადგენდა (მე-17 შენიშვნა).

გუდვილის და ძირითადი საშუალებების გაუფასურება

ჯგუფი ყოველწლიურად ატარებს გაუფასურების ტესტს საწარმოთა გაერთიანებაში შეძენილი გუდვილისთვის და ნებისმიერი აქტივისთვის, რომლისთვისაც იდენტიფიცირებულია გაუფასურების ინდიკატორები. გაუფასურება ხდება მაშინ, როდესაც აქტივის ან ფულადი სახსრების წარმომქმნელი ერთეულის საბალანსო ღირებულება მათ ანაზღაურებად ღირებულებას აჭარბებს, რომელიც განისაზღვრება უდიდესი თანხით მის გასვლის დანახარჯებით შემცირებული სამართლიან ღირებულებასა და გამოყენების ღირებულებას შორის. გასვლის დანახარჯებით შემცირებული სამართლიანი ღირებულება გამოიანგარიშება ანალოგიური აქტივების გაშლილი ხელის მანძილის პრინციპით შესრულებული გაყიდვის გარიგებებიდან მიღებული მონაცემების საფუძველზე ან ემპირიული საბაზრო ფასების მიხედვით, რასაც აკლდება აქტივის გასვლის დამატებითი დანახარჯები. გამოყენების ღირებულების დაანგარიშდება ეფუძნება დისკონტირებული ფულადი ნაკადების (DCF) მოდელს. ფულადი ნაკადები მიიღება მომდევნო ხუთი წლისთვის ბიუჯეტიდან და არ მოიცავს რესტრუქტურისაციას, რომელთა ვალდებულებაც ჯგუფს ჯერ არ აუღია ან მნიშვნელოვან სამომავლო ინვესტიციებს, რომლებიც გააუმჯობესებს ფულადი სახსრების წარმომქმნელი ერთეულის აქტივების შესრულების მაჩვენებლებს. ანაზღაურებადი ღირებულება მგრძნობიარეა დისკონტირებული ფულადი ნაკადების მეთოდისთვის გამოყენებული დისკონტირების განაკვეთის, ასევე მოსალოდნელი ფულადი ნაკადების შემოსვლის და ექსტრაპოლაციის მიზნით გამოყენებული განაკვეთის ზრდის მიმართ.

(ათას ლარში)

3. მნიშვნელოვანი სააღრიცხვო შეფასება და დაშვება (გაგრძელება)

შეფასებები და დაშვებები (გაგრძელება)

ხელმძღვანელობამ განსაზღვრა, რომ გაუფასურების ინდიკატორები არსებობდა ჯგუფის გრძელვადიან აქტივებთან მიმართებით, 2024 წლის 31 დეკემბრის მდგომარეობით. ღვინის ბიზნესის გუდვილთან და სხვა გრძელვადიან აქტივებთან დაკავშირებით ჩატარებული გაუფასურების ტესტის საფუძველზე, ჯგუფმა დაასკვნა, რომ ღვინის ბიზნესის ანაზღაურებადი ღირებულება მის საბალანსო ღირებულებას აჭარბებს. შესაბამისად, 2024 წელს გაუფასურება არ აღიარებულა (მე-6 შენიშვნა).

მოსალოდნელი საკრედიტო ზარალის ანარიცხი

2024 წლის 31 დეკემბრის მდგომარეობით, მთლიანი სავაჭრო მოთხოვნები 92% დაკავშირებული მხარისგან არის (2023 წ.: 89%). შესაბამისად, 2024 წლის 31 დეკემბრის მდგომარეობით, ჯგუფი თავის სავაჭრო მოთხოვნებზე მოსალოდნელ საკრედიტო ზარალს მეტწილად ინდივიდუალურად, და არა კოლექტიურად აფასებს.

ჯგუფი მოთხოვნების ყოველ ნაშთს მომხმარებელთან განვლილ გამოცდილებაზე და ხელმისაწვდომ საჯარო ინფორმაციაზე დაყრდნობით აფასებს, რომელიც კორექტირდება დებიტორების და ეკონომიკური გარემოს პროგრესული ფაქტორების გასათვალისწინებლად.

ლიკვიდობის რისკის მართვა, მათ შორის ორგანიზაციის შიდა ბალანსების დაფარვა ხორციელდება მშობელი საწარმოს (სს „ჯორჯიან ბევერიჯის ჰოლდინგი“) ჯგუფის დონეზე, მთლიანობაში. შესაბამისად, საერთო კონტროლს დაქვემდებარებული ვალდებულებები და მოთხოვნები ჩვეულებრივ გაიქვითება და დაიფარება სს „ჯორჯიან ბევერიჯის ჰოლდინგის“ ჯგუფის საქმიანობის საჭიროებების შესაბამისად. ჯგუფის ხელმძღვანელობის შეფასებით (ჯგუფის მოკლევადიანი და გრძელვადიანი საოპერაციო საქმიანობის შედეგების და მშობელი საწარმოს სს „საქართველოს კაპიტალისგან“ მხარდაჭერის ხელმისაწვდომობის გათვალისწინებით), მშობელი საწარმოს ჯგუფი მთლიანობაში ფლობს ადეკვატურ რესურსებს სავაჭრო და სხვა მოთხოვნების და ორგანიზაციის შიდა სესხების დასაფარად, რომელთა გაცემა მოხდა ჯგუფზე საერთო კონტროლს დაქვემდებარებული ინდივიდუალური მოვალეობის მიერ და შესაბამისად ამგვარი ნაშთები სრულად ამოღებულია. შესაბამისად, შედეგად მიღებული მოსალოდნელი საკრედიტო ზარალი არაარსებითად შეფასდა ამგვარ ნაშთებთან მიმართებით 2024 წლის 31 დეკემბრის მდგომარეობით.

საფინანსო დაწესებულებებში დაცული ფულადი სახსრებისა და მათი ეკვივალენტებისთვის ჯგუფმა განსაზღვრა, რომ მოსალოდნელი საკრედიტო ზარალი არაარსებითი იყო.

2024 წლის 31 დეკემბრის მდგომარეობით ჯგუფს არ უღიარებია ანარიცხის დარიცხვა/გაუქმება მოსალოდნელი საკრედიტო ზარალებისთვის (2023 წ.: 117 ლარის გაუქმება) სავაჭრო და სხვა მოთხოვნებთან მიმართებით (0 შენიშვნა)

4. შეცვლილი შემოსავალი პროცენტის, მოგების გადასახადის, ცვეთის და ამორტიზაციის დარიცხვამდე (EBITDA)

ჯგუფის დირექტორებმა წარმოადგინეს პროცენტის, მოგების გადასახადის, ცვეთისა და ამორტიზაციის დარიცხვამდე შეცვლილი შემოსავლის მაჩვენებელი, რადგან ისინი აკვირდებიან შეცვლილ მაჩვენებელს და მიაჩნიათ, რომ იგი შეესაბამება წარმოდგენებს ჯგუფის ფინანსური შედეგების შესახებ. შეცვლილი EBITDA გამოითვლება მოგების კორექტირების გზით, რომელსაც აკლდება გადასახადი, წმინდა ფინანსური დანახარჯები, ცვეთა და ამორტიზაცია, საკურსო სხვაობით განპირობებული შემოსულობა/ზარალი და სხვა არარეგულარული შემოსავალი და ხარჯი. შეცვლილი EBITDA არ არის ფასს (IFRS) სტანდარტებით შეფასებული შესრულების საშუალება. შეცვლილი EBITDA-ს ჯგუფისეული შეფასება შესაძლოა არ იყოს შედარებადი საქმიანობის შედეგების ანალოგიური სახელწოდების საზომებთან და სხვა საწარმოების მიერ გაცხადებულ ინფორმაციასთან.

(ათას ლარში)

4. შეცვლილი შემოსავალი პროცენტის, მოგების გადასახადის, ცვეთის და ამორტიზაციის დარიცხვამდე (EBITDA) (გაგრძელება)

შეცვლილი EBITDA-ს შეჯერება მოგებასთან ასე გამოიყურება:

	შენიშვნა	2024	2023
წლის მოგება (ზარალი)		41	(595)
მოგების გადასახადის სარგებელი		–	–
მოგება (ზარალი) დაბეგვრამდე		41	(595)
კორექტირებები:			
ცვეთა და ამორტიზაცია	5	1,606	1,706
ფინანსური შემოსავალი		(307)	(342)
ფინანსური დანახარჯები	14	3,215	2,248
საკურსო სხვაობით განპირობებული ზარალი		988	706
ძირითადი საშუალებების გაყიდვებთან დაკავშირებული შემოსულობა		(24)	(17)
სეტყვით მიყენებული ზიანით გამოწვეული ზარალი		–	99
კორექტირებული EBITDA		5,519	3,805

(ათას ლარში)

5. ძირითადი საშუალებები

	მიწა	შენობა- ნაგებობები	მანქანა- დანადგარები და ალჭურვილობა	ავტოსატრანსპორ- ტო საშუალებები	სხვა	ვენახის გაშენება	დაუმთავრებელი მშენებლობა	სულ
თვითღირებულება								
2022 წლის 31 დეკემბრის მდგომარეობით	3,066	4,280	6,035	686	306	8,165	-	22,538
შემოსვლები	-	-	-	-	-	-	509	509
გასვლა	-	-	(44)	(22)	-	-	-	(66)
გადატანა	-	3	488	-	11	7	(509)	-
2023 წლის 31 დეკემბრის მდგომარეობით	3,066	4,283	6,479	664	317	8,172	-	22,981
შემოსვლები	-	-	-	-	-	-	273	273
გასვლა	-	-	(93)	(17)	(2)	-	-	(112)
გადატანა	-	41	181	-	12	54	(273)	15
2024 წლის 31 დეკემბრის მდგომარეობით	3,066	4,324	6,567	647	327	8,226	-	23,157
ცვეთა								
2022 წლის 31 დეკემბრის მდგომარეობით	-	515	2,189	259	225	1,701	-	4,889
ცვეთის ხარჯი წლის განმავლობაში	-	211	743	35	81	636	-	1,706
ცვეთა გასვლისას	-	-	(2)	(22)	-	-	-	(24)
2023 წლის 31 დეკემბრის მდგომარეობით	-	726	2,930	272	306	2,337	-	6,571
ცვეთის ხარჯი წლის განმავლობაში	-	213	690	45	17	641	-	1,606
ცვეთა გასვლისას	-	-	(74)	(17)	(2)	-	-	(93)
2024 წლის 31 დეკემბრის მდგომარეობით	-	939	3,546	300	321	2,978	-	8,084
წმინდა სააღრიცხვო ღირებულება								
2023 წლის 31 დეკემბრის	3,066	3,557	3,549	392	11	5,835	-	16,410
2024 წლის 31 დეკემბრის	3,066	3,385	3,021	347	6	5,248	-	15,073

ჯგუფს თავისი ძირითადი საშუალებები დაგირავებული აქვს ადგილობრივი კომერციული ბანკებისგან ნასესხები სახსრების უზრუნველყოფის სახით. დაგირავებული ქონების საბალანსო ღირებულება 2024 წლის 31 დეკემბრის მდგომარეობით 15,073 ლარი (2023 წლის 31 დეკემბრის: 16,410 ლარი) იყო (მე-16 შენიშვნა).

(ათას ლარში)

6. გუდვილი

საწარმოთა გაერთიანების გზით მიღებული გუდვილის საბალანსო ღირებულება 7,667 ლარი (2023 წ.: 7,667 ლარი).

2024 წლის 31 დეკემბრის მდგომარეობით ჯგუფმა დაადგინა გაუფასურების ინდიკატორების არსებობა. ჯგუფმა გუდვილის, ძირითადი საშუალებების და სხვა გრძელვადიანი აქტივების გაუფასურების ტესტი ჩაატარა. ჯგუფმა განსაზღვრა, რომ გაუფასურების ტესტის მიზნებისთვის ის ფულადი სახსრების წარმომქმნელ ერთეულს წარმოადგენს. ფულადი სახსრების წარმომქმნელი ერთეულის ანაზღაურებადი ღირებულება განისაზღვრა, როგორც მისი გამოყენების ღირებულება, დისკონტირებული ფულადი ნაკადების მოდელის საფუძველზე. მნიშვნელოვან დაშვებებზე მინიჭებული ღირებულებები წარმოადგენს ხელმძღვანელობის მიერ ფულადი სახსრების წარმომქმნელი ერთეულის მომავალი შესრულების მაჩვენებლების, კონკურენციის ანალიზის, და სასმელი პროდუქტების ინდუსტრიაში მკრო-ეკონომიკური ფაქტორების და ტენდენციების შეფასებას. გაანგარიშებებში გამოიყენება ფულადი ნაკადების პროგნოზირება დამტკიცებული ფინანსური ბიუჯეტების საფუძველზე, რომელიც ექვსწლიან პერიოდს მოიცავს. ექვსწლიანი პერიოდის შემდეგ ფულადი ნაკადები ექსტრაპოლირებულია შეფასებული გრძელვადიანი ზრდის განაკვეთის გამოყენებით.

ქვემოთ მოცემულ ცხრილში ნაჩვენებია ფულადი სახსრების წარმომქმნელი ერთეულის გაუფასურების ტესტთან დაკავშირებული მნიშვნელოვანი დაშვებები:

დაშვება	2024	2023
კაპიტალის საშუალო შეწონილი ღირებულება (WACC)	18.5%	16.8%
გრძელვადიანი ზრდის განაკვეთი	4.3%	2.5%

გაუფასურების ტესტთან დაკავშირებული მნიშვნელოვანი დაშვებები ასევე მოიცავდა შემდეგს:

- 1) რუსულ ბაზარზე გაყიდვების სრულად აღდგენა ომამდე არსებულ დონამდე 2025 წელს (რასაც აქვს უკვე არსებული გაყიდვის ხელშეკრულებების მხარდაჭერა);
- 2) გეოგრაფიული მრავალფეროვნების გაგრძელება და გაყიდვების მთლიანი წილის შემცირება რუსეთის ბაზრებზე, განსაზღვრულ პერიოდში.

ზემოთ ხსენებულ დაშვებებზე დაყრდნობით, ჯგუფის ძირითადი საშუალებები და სხვა გრძელვადიანი აქტივები არ იყო გაუფასურებული 2024 წლის 31 დეკემბრის მდგომარეობით. დისკონტირების განაკვეთის 1,2%-ით ზრდა გამოიწვევს ჯგუფის ბიზნესის ანაზღაურებადი ღირებულების და მისი საბალანსო ღირებულების ტოლობას.

7. მარაგები

31 დეკემბრის მდგომარეობით მარაგების ნაშთები იყო შემდეგი:

	2024	2023
ნედლეული	6,485	7,479
მზა პროდუქცია (საკუთარი წარმოება)	1,794	1,877
წარმოების მხარდამჭერი მასალები	215	334
სხვა მარაგები	256	131
	8,750	9,821

ჯგუფს თავისი მარაგები დაგირავებული აქვს ადგილობრივი კომერციული ბანკებისგან ნასესხები სახსრების უზრუნველყოფის სახით. დაგირავებული მარაგების საბალანსო ღირებულება 2024 წლის 31 დეკემბრის მდგომარეობით 8,750 ლარი (2023 წლის 31 დეკემბრის: 9,821 ლარი) იყო (მე-16 შენიშვნა).

2024 წელს 32 ლარი უკავშირდებოდა საოპერაციო საქმიანობის ჩვეულ პროცესში განხორციელებულ ჩამოწერებს (2023 წ.: 238 ლარი) და აისახა სხვა საოპერაციო ხარჯებში (მე-20 შენიშვნა) კონსოლიდირებული სრული შემოსავლის ანგარიშგებაში.

(ათას ლარში)

8. სავაჭრო მოთხოვნები

	2024	2023
სავაჭრო მოთხოვნები მესამე მხარეებისგან	1,189	719
სავაჭრო მოთხოვნები დაკავშირებული მხარეებისგან	14,725	14,007
გამოკლებული: მოსალოდნელი საკრედიტო ზარალის ანარიცხი	(602)	(602)
	15,312	14,124

ცვლილების დინამიკა მოსალოდნელი საკრედიტო ზარალის ანარიცხში შემდეგია.

	2024	2023
1 იანვარს	602	719
გაუქმება წლის განმავლობაში	–	(117)
31 დეკემბერს	602	602

სავაჭრო მოთხოვნებს პროცენტი არ ერიცხება სავაჭრო მოთხოვნები მესამე მხარეების მიმართ ჩვეულებრივ 30-90 დღეში იფარება. სავაჭრო მოთხოვნები დაკავშირებული მხარეების მიმართ, როგორც არიან საერთო კონტროლს დაქვემდებარებული საწარმოები იფარება „ჯორჯიან ბევერიჯის ჰოლდინგ ჯგუფის“ საქმიანი საჭიროებების შესაბამისად.

2024 წლისა და 2023 წლის 31 დეკემბრის მდგომარეობით სავაჭრო მოთხოვნების ვადიანობის ანალიზი ასე გამოიყურება:

	ვადაგადაუცი- ლებელი და კონკრეტული დაფარვის ვადის გარეშე	<30 დღე	30–90 დღე	>180 დღე	სულ
2024 წლის 31 დეკემბერი					
მთლიანი საბალანსო					
ღირებულება	15,312	–	–	602	15,914
მოსალოდნელი ზარალის					
განაკვეთი	0%	0%	0%	100%	
მოსალოდნელი საკრედიტო					
ზარალი	–	–	–	(602)	(602)
	ვადაგადაუ- ცილებელი და კონკრეტული დაფარვის ვადის გარეშე				
2023 წლის 31 დეკემბერი					
მთლიანი საბალანსო					
ღირებულება	14,124	–	–	602	14,726
მოსალოდნელი ზარალის					
განაკვეთი	0.00%	0.00%	0.00%	100.00%	
მოსალოდნელი საკრედიტო					
ზარალი	–	–	–	(602)	(602)

9. გადახდილი ავანსები

	2024	2023
ნედლეულსა და საქონელში გადახდილი ავანსები	256	272
სხვა	26	48
	282	320

(ათას ლარში)

10. გაცემული სესხები

	2024	2023
დაკავშირებული მხარის სესხი	2,890	2,583
	2,890	2,583

2022 წლის მაისში ჯგუფმა საერთო კონტროლს დაქვემდებარებულ საწარმოზე გასცა 2,150 ლარის ოდენობით 15%-იანი სესხი. თავდაპირველად სესხის დაფარვის თარიღი 2024 წლის მაისი იყო. შემდგომში ვადა გახანგრძლივდა 2024 წლიდან 2025 წლის მაისამდე. 2024 წლისა და 2023 წლის 31 დეკემბრის მდგომარეობით სესხი ვადაგადაცილებული არ არის და მოსალოდნელი საკრედიტო ზარალი არაარსებითად ფასდება. ჯგუფი არ მოელის სესხის დაფარვას მომდევნო წლის განმავლობაში და შესაბამისად მის კლასიფიკაციას განსაზღვრავს გრძელვადიანად კონსოლიდირებული ფინანსური მდგომარეობის ანგარიშგებაში.

11. ფულადი სახსრები და მათი ეკვივალენტები

	2024	2023
მიმდინარე ანგარიშები ბანკებში	121	366
	121	366

მიმდინარე ანგარიშები განთავსებულია ქართულ ბანკებში საკრედიტო რეიტინგით „Moody's“-გან „Ba3/Ba2“ (LC) (2023 წ.: „Ba3/Ba2“ (LC)). 2024 წლისა და 2023 წლის 31 დეკემბრის მდგომარეობით მოსალოდნელი საკრედიტო ზარალი არაარსებითად არის შეფასებული.

12. სააქციო კაპიტალი

2024 წლისა და 2023 წლის 31 დეკემბრის მდგომარეობით ჯგუფის სააქციო კაპიტალი 0,1 ლარს შეადგენდა, რომელიც ნულამდეა დამრგვალებული კონსოლიდირებულ ფინანსური მდგომარეობის ანგარიშგებაში.

13. პროცენტის სესხები და ნასესხები სახსრები

გრძელვადიანი	2024	2023
ნასესხები სახსრები ადგილობრივი საფინანსო დაწესებულებებისგან	7,763	9,640
ნასესხები სახსრები მშობელი საწარმოდან	–	24,763
სულ	7,763	34,403
მოკლევადიანი	2024	2023
ნასესხები სახსრები ადგილობრივი საფინანსო დაწესებულებებისგან	2,690	3,205
ნასესხები სახსრები მშობელი საწარმოდან	28,187	–
სულ	30,877	3,205

2024 წლის 31 დეკემბრის მდგომარეობით ადგილობრივი საფინანსო დაწესებულებებისგან ნასესხები სახსრები ლარში, ევროსა და აშშ დოლარშია გამოხატული, ერიცხებათ 2%-დან 16,5%-მდე განაკვეთი, ხოლო მათი დაფარვის ვადები 1-დან 6 წლამდე მერყეობს. მშობელი საწარმოსგან ნასესხები სახსრები აშშ დოლარშია გამოხატული და 10%-იანი საპროცენტო განაკვეთი ერიცხება.

(ათას ლარში)

13. პროცენტური სესხები და ნასესხები სახსრები (გაგრძელება)

კონკრეტული გრძელვადიანი სესხები ადგილობრივი საფინანსო დაწესებულებებისგან საბალანსო ღირებულებით 7,763 ლარის ოდენობით 2024 წლის 31 დეკემბრის მდგომარეობით ჯგუფის მშობელი საწარმოსა და მისი შვილობილი საწარმოების კონკრეტულ კონსოლიდირებულ ფინანსურ ინდიკატორებთან დაკავშირებული საკრედიტო პირობების საგანს წარმოადგენენ (რაც მოიცავს EBITDA-ს დონეს, ვალი/EBITDA, ვალი/საკუთარი კაპიტალი, სესხის მომსახურების კოეფიციენტი) სესხების დაფარვის პერიოდის განმავლობაში. საკრედიტო პირობების ტესტირება ხდება თითოეული საანგარიშგებო პერიოდის ბოლოს, ამ სესხების დაფარვის თარიღამდე. ფინანსური პირობების დაკმაყოფილების პროცესში დარღვევები ზანკს საშუალებას მისცემს სასწრაფო წესით გამოიხმოს სესხები და ნასესხები სახსრები. ამასთან, მიუხედავად იმისა, რომ მიმდინარე პერიოდის განმავლობაში ადგილი ჰქონდა პროცენტური სესხებსა და ნასესხებ სახსრებთან დაკავშირებული ფინანსური პირობების დარღვევას, ჯგუფმა საფინანსო დაწესებულებებისგან მიიღო უარის წერილი, რომელშიც განსაზღვრული იყო, რომ მიუხედავად ფინანსური პირობების დარღვევისა, საფინანსო დაწესებულებები არ მოითხოვენ სესხებისა და ნასესხები სახსრების დაფარვის ვადაზე ადრე დაფარვას 2025 წლის 31 დეკემბრამდე. არსებობს რისკი იმისა, რომ ამგვარი დარღვევები შესაძლოა მომავალშიც განმეორდეს. ასეთ შემთხვევაში ჯგუფი მოელის, რომ ის შესძლებს ამგვარი ნასესხები სახსრების რესტრუქტურირებას ან რეფინანსირებას ან დამატებითი უარის წერილების მიღებას.

14. ცვლილებები საფინანსო საქმიანობიდან წარმოშობილ ვალდებულებებში

	<i>სესხები და ნასესხები სახსრები</i>
2022 წლის 31 დეკემბრის მდგომარეობით	36,515
მოგება-ზარალში დარიცხული ფინანსური დანახარჯი	2,248
გადახდილი პროცენტი	(1,171)
ნასესხები სახსრების დაფარვა	(255)
საკურსო სხვაობით განპირობებული ზარალი	271
2023 წლის 31 დეკემბრის მდგომარეობით	37,608
მოგება-ზარალში დარიცხული ფინანსური დანახარჯი	3,215
გადახდილი პროცენტი	(1,068)
ნასესხები სახსრების დაფარვა	(2,170)
საკურსო სხვაობით განპირობებული ზარალი	1,055
2024 წლის 31 დეკემბრის მდგომარეობით	38,640

15. სავაჭრო და სხვა ვალდებულებები

	<i>2024</i>	<i>2023</i>
სავაჭრო ვალდებულებები დაკავშირებული მხარეების წინაშე	3,068	6,104
სავაჭრო და სხვა ვალდებულებები მესამე მხარეების წინაშე	3,811	2,636
	6,879	8,740

სავაჭრო ვალდებულებებს პროცენტი არ ერიცხება სავაჭრო ვალდებულებები მესამე მხარეების მიმართ ჩვეულებრივ 30-დან 90 დღემდე ვადაში იფარება. სავაჭრო ვალდებულებები დაკავშირებული მხარეების მიმართ იფარება „ჯორჯიან ბევერიჯის ჰოლდინგ ჯგუფის“ საქმიანი საქმირობების შესაბამისად.

(ათას ლარში)

16. პირობითი ვალდებულებები და საოპერაციო რისკები**საქართველოს საგადასახადო გარემო**

საქართველოს საგადასახადო და ფასწარმოების კანონმდებლობა ექვემდებარება სხვადასხვაგვარ ინტერპრეტაციებს, და შესაძლოა ხშირი იყოს ცვლილებები. ხელმძღვანელობის მიერ გარიგებებთან და საქმიანობასთან დაკავშირებული კანონმდებლობების ინტერპრეტაციები შეიძლება ექვემდებარებოდეს დასაბამისმა სახელმწიფო ორგანოებმა. ხელმძღვანელობა თვლის, რომ კანონმდებლობის და ნორმატიული აქტების მისეული ინტერპრეტაცია ადეკვატურია და მას ყველა საგადასახადო რისკი ადეკვატურად აქვს გაცხადებული და აღრიცხული.

უზრუნველყოფისთვის გამოყენებული აქტივები

ჯგუფმა წარმოადგინა თავის საკუთრებაში არსებული ძირითადი საშუალებები და მარაგები ქართული კომერციული ბანკებისგან მიღებული სესხების უზრუნველსაყოფად (მე-13 შენიშვნა).

ქვემოთ მოცემულ გრაფიკში წარმოდგენილია ქართული კომერციული ბანკებისგან მიღებული სესხებისთვის დაგირავებული აქტივები 31 დეკემბრის მდგომარეობით:

	2024	2023
დაგირავებული ძირითადი საშუალებები (მე-5 შენიშვნა)	15,073	16,410
დაგირავებული მარაგები (მე-7 შენიშვნა)	8,750	9,821
	23,823	26,231

17. ამონაგები და შემოსულობა

	2024	2023
საკუთარი პროდუქციის მზა პროდუქტების გაყიდვა	31,737	30,816
სამართლიანი ღირებულების მოძრაობა ბიოპროდუქტში (ა)	(565)	(805)
	31,172	30,011

ამონაგები მზა პროდუქციის გაყიდვიდან მოიცავს ამონაგებს ღვინის პროდუქტებიდან, როგორც არის: ღვინო, შუმხუნა ღვინო, ჭაჭა და ბრენდი. მთლიანი ამონაგებიდან და შემოსულობიდან, 28,073 ლარი (2023 წ.: 21,800 ლარი) ერთ მომხმარებელს უკავშირდება, რაც მნიშვნელოვან კონცენტრაციას წარმოადგენს.

ვინაიდან ომი უკრაინაში ჯერაც მიმდინარეობს, შეუძლებელია იმის სარწმუნოდ შეფასება, თუ როგორ აისახება ეს ჯგუფის საქმიანობაზე, ასევე გაურკვეველია, რა მასშტაბის გავლენას მოახდენს ის ზოგადად ეკონომიკაზე. 2024 წლის 31 დეკემბრით დასრულებული წლისთვის ჯგუფის მიერ დსთ-ის ქვეყნებზე გაყიდვებმა 26,606 ლარი (2023 წ.: 24,969 ლარი) შეადგინა. ჯგუფის ხელმძღვანელობა თვალს ადევნებს ეკონომიკურ ვითარებას შექმნილ გარემოში.

შემოსულობა საკუთარ ვენახებში მოწეული ყურძნიდან ასე გამოიყურება:

	2024	2023
მარაგების ნაწილში გადატანილი ყურძნის აღებული მოსავლის		
სამართლიანი ღირებულება	1,838	1,252
ნათესების გაზრდის ხარჯები	(2,403)	(2,057)
სამართლიანი ღირებულების მოძრაობა ბიოპროდუქტში	(565)	(805)

მოწეული ყურძნის სამართლიანი ღირებულება განისაზღვრება მოსავლის აღების მომენტიდან გასაყიდი ღირებულებით შემცირებულ სავარაუდო საბაზრო ფასზე დაყრდნობით. 2024 და 2023 წლის მოსავალთან დაკავშირებით გამოყენებული ერთი კილოგრამი ყურძნის სავარაუდო საშუალო შეწონილი საბაზრო ფასია 1,43 ლარი და 1,47 ლარი.

გაყიდვის დანახარჯებით შემცირებული სამართლიანი ღირებულებით შეფასების შედეგი წარმოადგენს ყურძნის პირობით ღირებულებას, რომელიც მოსავლის აღების შემდეგ გადაიტანება მარაგების ნაწილში.

(ათას ლარში)

17. ამონაგები და შემოსულობა (გაგრძელება)**სახელშეკრულებო აქტივები და ვალდებულებები**

ჯგუფმა აღიარა ამონაგებთან დაკავშირებული შემდეგი ნაშთები:

	2024	2023
სავაჭრო მოთხოვნები (მე-8 შენიშვნა)	15,312	14,124
სახელშეკრულებო ვალდებულებები	40	229

სავაჭრო მოთხოვნების აღიარება ხდება მაშინ, როდესაც საზღაურის მიღების უფლება უპირობო ხდება. სავაჭრო მოთხოვნებს პროცენტი არ ერიცხებათ და მათი ვადა, როგორც წესი, 30-90 დღეა (მე-8 შენიშვნა). სავაჭრო მოთხოვნები დაკავშირებული მხარეების მიმართ იფარება „ჯორჯიან ბევერიჯის ჰოლდინგ ჯგუფის“ საქმიანი საქმირობების შესაბამისად (22-ე შენიშვნა).

სახელშეკრულებო ვალდებულებები, რომლებიც მოიცავს მომხმარებლებისგან მიღებულ საზღაურებს, წარმოადგენს ჯგუფის ვალდებულებას საქონელი გადასცეს ამ მომხმარებლებს. სახელშეკრულებო ვალდებულებებისთვის ჯგუფი მოელის ყველა თანხის მოგებაში ან ზარალში გაშვებას შესასრულებელი ვალდებულების დაკმაყოფილებიდან ერთი წლის ვადაში. 2024 წლის განმავლობაში ჯგუფმა აღიარა 229 ლარის ოდენობით ამონაგები, რომელიც უკავშირდება გადატანილ სახელშეკრულებო ვალდებულებებს და შესულია სახელშეკრულებო ვალდებულებებში 2023 წელს (2023 წ.: 1,727 ლარი). კლება სახელშეკრულებო ვალდებულებებში 2024 წლის განმავლობაში მეტწილად უკავშირდება ცვლილებას ერთ მომხმარებელთან გადახდის პირობებში. 2024 წლის განმავლობაში სავაჭრო მოთხოვნების ზრდა მეტწილად უკავშირდება გაყიდვებს საერთო კონტროლს დაქვემდებარებულ საწარმოებზე გადავადებული დაფარვის პირობებით.

18. გაყიდული საქონლის თვითღირებულება

	2024	2023
ნედლეული	23,271	23,531
ცვეთა	1,397	1,499
დასაქმებულთა გასამრჯელოები	871	855
კომუნალური ხარჯები	150	205
ქონების გადასახადი	76	81
სხვა საწარმოო დანახარჯები	11	16
	25,776	26,187

19. ადმინისტრაციული ხარჯები

	2024	2023
დასაქმებულთა გასამრჯელოები	493	649
ცვეთა	232	222
რემონტი და ტექნომსახურება	103	111
პროფესიული მომსახურება	100	98
სხვა	257	125
	1,185	1,205

(ათას ლარში)

20. სხვა საოპერაციო ხარჯი

	2024	2023
მარაგების ჩამოწრა	32	238
სხვა	9	175
	41	413

21. ფინანსური ინსტრუმენტების რისკის მართვის მიზნები და პოლიტიკა

ჯგუფის ძირითადი ფინანსური ვალდებულებები მოიცავს პროცენტიან სესხებს და ნასესხებ სახსრებს, სავაჭრო და სხვა ვალდებულებას. ამ ფინანსური ვალდებულებების ძირითადი მიზანია დაფინანსების მოზიდვა ჯგუფის ოპერაციებისთვის და საინვესტიციო საქმიანობისთვის. ჯგუფი თავისი ოპერაციებიდან პირდაპირ იღებს სავაჭრო მოთხოვნებს და ფულად სახსრებსა და მათ ეკვივალენტებს.

ჯგუფის საქმიანობისთვის დამახასიათებელი ძირითადი რისკებია საკრედიტო, ლიკვიდობის და სავალუტო რისკები.

ჯგუფის საბაზრო რისკი უმნიშვნელოა, რადგანაც ის არ ფლობს ისეთ მნიშვნელოვან აქტივებს ან ვალდებულებებს, რომლებზეც სამომავლო ფულადი ნაკადების ოდენობა იმერყევებს საბაზრო ფასებში ცვლილებების გამო.

საპროცენტო რისკზე ჯგუფის დაქვემდებარება შეზღუდულია - ყველა პროცენტიან სესხს და ნასესხებ სახსრებს, ფულად სახსრებსა და მათ ეკვივალენტებს აქვთ ფიქსირებული საპროცენტო განაკვეთები და შესაბამისად ხელმძღვანელობას მიაჩნია, რომ ჯგუფი არ დგას საპროცენტო განაკვეთის რისკის წინაშე ამ ფინანსური აქტივებისა და ვალდებულებებისთვის.

ჯგუფის და მისი მშობელი საწარმოს უმაღლესი ხელმძღვანელობა ზედამხედველობს ამ რისკების მართვას. ჯგუფი საკმაოდ შეზღუდულად ეწევა ისეთ საქმიანობას, რომლის დროსაც ფინანსური რისკის აღება მოუწევდა. ჯგუფი არ ეწევა რაიმე საქმიანობას წარმოებული ინსტრუმენტებით რისკის მართვის ან სხვა მიზნებისთვის.

საკრედიტო რისკი

საკრედიტო რისკი არის რისკი იმისა, რომ მეორე მხარე ვერ შეასრულებს ფინანსური ინსტრუმენტით ან მომხმარებელთან გაფორმებული ხელშეკრულებით გათვალისწინებულ ვალდებულებებს და ამით ორგანიზაციას ფინანსური ზარალი მიადგება. ჯგუფის საკრედიტო რისკის მოცულობა წარმოდგენილია სავაჭრო მოთხოვნების, ბანკებში მიმდინარე ანგარიშებზე ფლობილი ფულადი სახსრების, გაცემული სესხების საერთო ნაშთით 18,323 ლარის ოდენობით 2024 წლის 31 დეკემბრის მდგომარეობით (2023 წ.: 17,073 ლარი).

სავაჭრო მოთხოვნები

მომხმარებლის საკრედიტო რეიტინგი ფასდება საკრედიტო ანალიზით და ამ შეფასების საფუძველზე განისაზღვრება განცალკევებული საკრედიტო ლიმიტები. ჯგუფი ამ მოთხოვნებს აკონტროლებს და მნიშვნელოვანი კლიენტებისთვის ინდივიდუალურ საფუძველზე ატარებს გაუფასურების ანალიზს. გადახდა ხდება დაკავშირებული მხარის მიერ ხელმისაწვდომი ფულადი სახსრების შესაბამისად და, რიგ შემთხვევაში, შესაძლოა ვადაგადაცილებული იყოს, თუ სრულად ამოღებადი არ იქნება.

გაცემული სესხები

გაცემულ სესხებს შიდა საკრედიტო რეიტინგი არ აქვთ. ჯგუფი აკონტროლებს ამგვარ გაცემულ სესხებს და ატარებს გაუფასურების ანალიზს ინდივიდუალურ საფუძველზე. გადახდა ხდება დაკავშირებული მხარის მიერ ხელმისაწვდომი ფულადი სახსრების შესაბამისად და, რიგ შემთხვევაში, შესაძლოა ვადაგადაცილებული იყოს, თუ სრულად ამოღებადი არ იქნება.

ფულადი სახსრები მიმდინარე ანგარიშზე და მოკლევადიანი ანაზღაურებები

ჯგუფი საკრედიტო რისკს მართავს ხელმისაწვდომი ფულადი სახსრების უდიდესი ნაწილის საქართველოს ცნობილ ბანკებში განთავსებით, რომლებსაც „Moody's“ სარეიტინგო სააგენტოსგან მიღებული აქვთ „Ba3/Ba2“ რეიტინგი. ჯგუფის ხელმძღვანელობა მუდმივად აკონტროლებს იმ ბანკების სტატუსს, რომელშიც ანაზღაურება განთავსებული, მნიშვნელოვანი მომხმარებლების სტატუსთან ერთად, ხოლო შესაბამისი მოთხოვნების მონიტორინგი ყოველდღიურად ხდება.

(ათას ლარში)

21. ფინანსური ინსტრუმენტების რისკის მართვის მიზნები და პოლიტიკა (გაგრძელება)**სავალუტო რისკი**

სავალუტო რისკი არის რისკი იმისა, რომ კრედიტზე სამომავლო ფულადი ნაკადების სამართლიანი ღირებულება ცვალებადი იქნება სავალუტო კურსის მერყეობის გამო. ჯგუფის საქმიანობისთვის დამახასიათებელი სავალუტო რისკი ძირითადად უკავშირდება ჯგუფის სავაჭრო მოთხოვნებს, ფულად სახსრებს და მათ ეკვივალენტებს, ნასესხებ სახსრებს და სავაჭრო ვალდებულებას.

ჯგუფი ხელშეკრულებებს აფორმებს აშშ დოლარში, ევროსა და ლარში. ჯგუფი არ იყენებს სავალუტო წარმოებულ ინსტრუმენტებს, რომ განახორციელოს მომავალი გარიგებებისა და ფულადი ნაკადების ჰეჯირება.

ქვემოთ მოცემულ ცხრილში ნაჩვენებია, რომელ ვალუტებში ჰქონდა ჯგუფს მნიშვნელოვანი რისკი 2024 წლისა და 2023 წლის 31 დეკემბრის მდგომარეობით ლარში გამოხატულ ფულად აქტივებზე და ვალდებულებებზე (ლარში გამოხატული):

2024	აშშ დოლარი	ევრო
აქტივები		
სავაჭრო მოთხოვნები	907	381
ფულადი სახსრები და მათი ეკვივალენტები	82	–
ვალდებულებები		
პროცენტიანი სესხები და ნასესხები სახსრები	(28,187)	(10,149)
სავაჭრო და სხვა ვალდებულებები	(1,576)	(109)
წმინდა პოზიცია	(28,774)	(9,877)
2023	აშშ დოლარი	ევრო
აქტივები		
სავაჭრო მოთხოვნები		
ფულადი სახსრები და მათი ეკვივალენტები	157	121
	162	67
ვალდებულებები		
პროცენტიანი სესხები და ნასესხები სახსრები	(24,763)	(12,186)
სავაჭრო და სხვა ვალდებულებები	(978)	(699)
წმინდა პოზიცია	(25,422)	(12,697)

ქვემოთ მოცემული ანალიზი ითვლის ლარის მიმართ სავალუტო კურსების სავარაუდო ცვლილებების ეფექტს კონსოლიდირებულ სრული შემოსავლის ანგარიშგებაზე, ყველა სხვა ცვლადის მუდმივობის შემთხვევაში. ცხრილში უარყოფითი რიცხვები ასახავს პოტენციურ ნეტო შემცირებას კონსოლიდირებულ სრული შემოსავლის ანგარიშგებაში ან საკუთარ კაპიტალში, ხოლო დადებითი რიცხვები - პოტენციურ ნეტო ზრდას.

	ცვლილება სავალუტო კურსში %	გავლენა მოგებაზე ან ზარალზე	
2024			
აშშ დოლარი	-2% / 8.05%	(2,316)	575
ევრო	-2% / 8.42%	(832)	198
	ცვლილება სავალუტო კურსში %	გავლენა მოგებაზე ან ზარალზე	
2023			
აშშ დოლარი	-19% / 19%	(4,830)	4,830
ევრო	-27% / 27%	(3,428)	3,428

(ათას ლარში)

21. ფინანსური ინსტრუმენტების რისკის მართვის მიზნები და პოლიტიკა (გაგრძელება)**ლიკვიდობის რისკი და დაფინანსების მართვა**

ლიკვიდობის რისკი ნიშნავს იმას, რომ ჯგუფმა შეიძლება ვერ შეძლოს ნორმალურ და სტრესულ ვითარებაში წარმოშობილი ფინანსური ვალდებულებების დროულად დაფარვა. ლიკვიდობის რისკი იმართება მოკლე, საშუალო და გრძელვადიანი პროგნოზირებული ფულადი ნაკადების შეფასებით, პროგნოზირებული და ფაქტობრივი ფულადი ნაკადების მონიტორინგით, ასევე ფულადი რესურსების მისადაგებით კონსოლიდირებული ფინანსური ანგარიშგების ვადიანობის ანალიზთან. ჯგუფის აზრით, ის შეძლებს სახელშეკრულებო ვალდებულებების დაკმაყოფილებას საოპერაციო საქმიანობიდან შემოსულობით, მისი ნასესხები სახსრების რეფინანსირებით ან გადაფორმებით და, საჭიროების შემთხვევაში, მშობელი საწარმოებისგან ლიკვიდობის მხარდაჭერით. ჯგუფი არ მოელოა, რომ ის ვალდებული გახდება დაფაროს მშობელი საწარმოს და სხვა დაკავშირებული მხარეებისგან ნასესხები სახსრების ფარგლებში მისი ვალდებულებები განჭვრეტად მომავალში.

ქვემოთ მოცემულ ცხრილებში შეჯამებულია 2024 წლისა და 2023 წლის 31 დეკემბრის ჯგუფის ფინანსური ვალდებულებების ვადიანობის პროფილები, სახელშეკრულებო არადისკონტირებული დაფარვის ვალდებულებების საფუძველზე:

2024	<3 თვე	3-12 თვე	1-5 წელი	>5 წელი	სულ
პროცენტუანი სესხები და ნასესხები					
სახსრები	29,426	1,915	7,973	2,411	41,725
სხვა მოკლევადიანი ვალდებულებები	507	–	–	–	507
სავაჭრო და სხვა ვალდებულებები	6,879	–	–	–	6,879
	36,812	1,915	7,973	2,411	49,111
2023	<3 თვე	3-12 თვე	1-5 წელი	>5 წელი	სულ
პროცენტუანი სესხები და ნასესხები					
სახსრები	868	2,488	36,798	4,300	44,454
სხვა მოკლევადიანი ვალდებულებები	680	–	–	–	680
სავაჭრო და სხვა ვალდებულებები	8,740	–	–	–	8,740
	10,288	2,488	36,798	4,300	53,874

საპროცენტო განაკვეთის რისკი

საპროცენტო განაკვეთის რისკი წარმოიქმნება იმ შემთხვევაში, თუ ცვლილებები საპროცენტო განაკვეთებში იმოქმედებს ფინანსური ინსტრუმენტების მომავალ ფულად ნაკადებზე ან სამართლიან ღირებულებაზე. ჯგუფის დაქვემდებარება ბაზრის საპროცენტო განაკვეთების ცვლილების რისკზე უპირატესად უკავშირდება ჯგუფის გრძელვადიან სასესხო ვალდებულებებს მცოცავი საპროცენტო განაკვეთებით. ბანკში ნაღდი ფულის ნაშთი ფიქსირებულგანაკვეთიანია.

ქვემოთ მოცემულ ცხრილში ნაჩვენებია საპროცენტო განაკვეთებში გონივრულ ფარგლებში შესაძლო ცვლილების მგრძნობელობა გავლენის ქვეშ მყოფი სესხების და ნასესხები სახსრების წილზე. ყველა სხვა ცვლადის უცვლელობის პირობებში, ჯგუფის დაბეგვრამდე მოგებაზე მოქმედებს მცოცავი სავალუტო კურსის მქონე ნასესხები სახსრები, შემდეგი სახით:

2024	საბაზისო პუნქტის ზრდა/(კლება)	დაბეგვრამდე მოგების ეფექტი
ევრო	-127 / 354	129 / (359)
2023	საბაზისო პუნქტის ზრდა/(კლება)	დაბეგვრამდე მოგების ეფექტი
ევრო	-316 / 316	368 / (368)

(ათას ლარში)

21. ფინანსური ინსტრუმენტების რისკის მართვის მიზნები და პოლიტიკა (გაგრძელება)**კაპიტალის მართვა**

ჯგუფის კაპიტალის მართვის მიზნით, კაპიტალი მოიცავს სააქციო კაპიტალს და გაუნაწილებელ მოგებას. 2024 წლის 31 დეკემბრის მდგომარეობით ის 4,195 ლარით (2023 წ.: 4,154 ლარი) შეფასდა.

კაპიტალის მართვის მიზნებში, პოლიტიკასა და პროცესებში ცვლილებები არ შესულა 2024 წლისა და 2023 წლის 31 დეკემბრით დასრულებული წლის განმავლობაში.

ფინანსური აქტივების და ფინანსური ვალდებულებების სამართლიანი ღირებულება

ფინანსური აქტივების და ფინანსური ვალდებულებების სამართლიანი ღირებულება მათ საბალანსო ღირებულებას უახლოვდება.

როგორც წესი, იმ ფინანსური აქტივებისა და ფინანსური ვალდებულებების საბალანსო ღირებულება, რომლებიც არის ლიკვიდური ან ხასიათდება მოკლე ვადიანობით (სამ თვეზე ნაკლები), უახლოვდება მათ სამართლიან ღირებულებას.

პროცენტიანი სესხებისა და ნასესხები სახსრების სამართლიანი ღირებულება განისაზღვრება მომავალი ფულადი ნაკადების დისკონტირებით ანალოგიური პირობების, საკრედიტო რისკის და ვადის მქონე სესხის მიმდინარე განაკვეთების გამოყენებით.

22. დაკავშირებულ მხარეთა განმარტებითი შენიშვნები

ბასს (IAS) 24-ის („დაკავშირებულ მხარეთა განმარტებითი შენიშვნები“) მიხედვით მხარეები დაკავშირებულად ითვლება, თუ ერთ მხარეს აქვს უნარი, გააკონტროლოს მეორე მხარე ან მნიშვნელოვანი გავლენა მოახდინოს მეორე მხარის ფინანსურ და საოპერაციო გადაწყვეტილებებზე. ყოველი შესაძლო ურთიერთკავშირის განხილვისას, ყურადღება ექცევა ურთიერთობის შინაარსს და არა მხოლოდ სამართლებრივ ფორმას.

დაკავშირებულმა მხარეებმა შეიძლება გააფორმონ ისეთი გარიგებები, როგორსაც არ დადებდნენ დაუკავშირებელი მხარეები და დაკავშირებულ მხარეებს შორის გაფორმებული გარიგებები შეიძლება არ დაიდოს იმავე პირობებით და თანხებით, როგორითაც გაფორმდებოდა გარიგებები არადაკავშირებულ მხარეებს შორის.

საოპერაციო გარიგებები

ქვემოთ წარმოდგენილ ცხრილში მოცემულია იმ გარიგებების მთლიანი თანხა, რომლებიც გაფორმდა დაკავშირებულ მხარეებთან, შესაბამისი ფინანსური წლის განმავლობაში.

საერთო კონტროლს დაქვემდებარებული საწარმო	ამონაგები	შესყიდვები	სადაზღვევო ხარჯი	ვალდებულე- ბები	მოთხოვნები (ა)
2024	3,782	10,739	180	3,068	14,725
2023	4,566	11,431	168	6,104	14,007

(ათას ლარში)

22. დაკავშირებულ მხარეთა განმარტებითი შენიშვნები (გაგრძელება)

საინვესტიციო და საფინანსო ოპერაციები

	ფინანსური დანახარჯი	ნასესხები სახსრები	გაცემული სესხები	ფინანსური შემოსავალი
2024				
ნასესხები სახსრები მშობელი საწარმოდან საერთო კონტროლს დაქვემდებარებულ საწარმოზე გაცემული სესხები (ნულის ოდენობით მოსალოდნელი საკრედიტო ზარალის გამოკლებით)	2,275	28,187	–	–
	–	–	2,890	307
2023				
ნასესხები სახსრები მშობელი საწარმოდან საერთო კონტროლს დაქვემდებარებულ საწარმოზე გაცემული სესხები (ნულის ოდენობით მოსალოდნელი საკრედიტო ზარალის გამოკლებით)	1,019	24,763	–	–
	–	–	2,583	342

(ა) საერთო კონტროლს დაქვემდებარებული საწარმოების მიმართ მოთხოვნებისთვის აღიარებული
მოსალოდნელი საკრედიტო ზარალის თანხა 2024 წლის 31 დეკემბრის მდგომარეობით ნულ ლარს შეადგენდა
(2023 წ.: ნული ლარი).

ჯგუფის უმაღლესი რანგის ხელმძღვანელობის ანაზღაურება

ქვემოთ მოცემულ ცხრილში განხილული თანხები წარმოადგენს საანგარიშგებო პერიოდში უმაღლესი რანგის
ხელმძღვანელობასთან დაკავშირებულ ხარჯად აღიარებულ თანხებს.

	2024	2023
დასაქმებულთა მოკლევადიანი გასამრჯელოები	9	9
	9	9

23. საანგარიშგებო პერიოდის შემდგომი მოვლენები

2024 წლის 31 დეკემბრის შემდეგ ჯგუფმა დაფარა თავისი ნასესხები სახსრები ადგილობრივი საფინანსო
დაწესებულებებისგან 2,698 ლარის ოდენობით და მიიღო იგივე ოდენობით ნასესხები სახსრები მშობელი
საწარმოსგან.

ბუღალტრული აღრიცხვის, ანგარიშგებისა და აუდიტის შესახებ საქართველოს კანონის მე-7 მუხლის მე-10 პუნქტის მოთხოვნების შესაბამისად მომზადებული ანგარიში

სს „ჰარვესტ ალავერდის“ აქციონერებსა და ხელმძღვანელობას

ჩვენ აუდიტირებულ კონსოლიდირებულ ფინანსურ ანგარიშგებაზე 2025 წლის 20 მარტს გაცემულ დასკვნაში გამოვთქვით არამოდიფიცირებული აუდიტორული მოსაზრება. აუდიტირებული კონსოლიდირებული ფინანსური ანგარიშგება არ ასახავს აუდიტირებულ კონსოლიდირებულ ფინანსურ ანგარიშგებაზე ჩვენ მიერ გაცემული დასკვნის თარიღის შემდეგ მომხდარი მოვლენების შედეგებს. ჩვენ არ ჩავვითარებთ მმართველობის ანგარიშგებაში ასახული იმ მოვლენების შედეგების აუდიტი, რომლებიც დადგა ჩვენ მიერ აუდიტირებულ კონსოლიდირებულ ფინანსურ ანგარიშგებაზე გაცემული აუდიტორის დასკვნის თარიღის შემდეგ.

ჩვენი აზრით, რომელიც ეყრდნობა აუდიტის ფარგლებში ჩატარებულ სამუშაოებს:

- მმართველობის ანგარიშგებაში ასახული იმავე ფინანსური წლის ინფორმაცია, რომლისთვისაც მომზადდა კონსოლიდირებული ფინანსური ანგარიშგება, შესაბამისობაშია კონსოლიდირებულ ფინანსურ ანგარიშგებასთან; და
- მმართველობის ანგარიშგებაში წარმოდგენილი ინფორმაცია აკმაყოფილებს ბუღალტრული აღრიცხვის, ანგარიშგებისა და აუდიტის შესახებ საქართველოს კანონის მე-7 მუხლისა და შესაბამისი ნორმატიული აქტების მოთხოვნებს.



დმიტრო იურგელევიჩი (SARAS-A-644274)

შპს „იუაის“ სახელით (SARAS-F-855308)

2025 წლის 4 ივნისი

თბილისი, საქართველო

სს „ჰარვესტ ალავერდი“ და შვილობილი საწარმო

მმართველობითი ანგარიშგება

2024 წლის 31 დეკემბრით დასრულებული წლისათვის

1. ჯგუფის შესახებ

სს „ჰარვესტ ალავერდი“ (შემდგომში - „ჯგუფი“, საიდენტიფიკაციო ნომრით 404582313) დაფუძნებულია 2019 წლის 6 აგვისტოს საქართველოს კანონმდებლობის შესაბამისად. ჯგუფი საქმიანობს საქართველოს ტერიტორიაზე და ყიდის თავის პროდუქციას როგორც საქართველოში ასევე მის ფარგლებს გარეთ. მის ძირითად საქმიანობას წარმოადგენს დისტრიბუირებული ალკოჰოლური სასმელების წარმოება და საბითუმო ვაჭრობა, ღვინის წარმოება.

კომპანიის იურიდიული მისამართია - გურჯაანის რაიონი, სოფელი ჩუმლაყი, საქართველო, ფაქტიური მისამართია- პეტრე მელიქიშვილის გამზირი N8ა / ერეკლე ტატიშვილის ქუჩა N1

2024 და 2023 წლის 31 დეკემბრის მდგომარეობით, ჯგუფში შემავალი კომპანიებია:

შვილობილი	წილი	ქვეყანა	საქმიანობა	შესყიდვის/წარმოშობის თარიღი
შპს ალკოჰოლური სასმელების კომპანია ალავერდი	100.0	საქართველო	ღვინის წარმოება, გაყიდვა	19 აგვისტო 2019

2024 და 2023 წლის 31 დეკემბრის მდგომარეობით, ჯგუფის მფლობელი იყო სს „ჯორჯიან ბევერიჯის ჰოლდინგი“

2. ძირითადი ფინანსური და არაფინანსური მაჩვენებლების მიმოხილვა

2024 წლის განმავლობაში ჯგუფის საერთო შემოსავალმა შეადგინა 31,172 ათასი ლარი. შემოსავლის ძირითადი ნაწილი მიღებულია ღვინის ექსპორტიდან, ხოლო ნაწილი ადგილობრივ ბაზარზე დაკავშირებულ მხარეებთან ყურძნის რეალიზაციით.

ცხრილი #1 ძირითადი ფინანსური მაჩვენებელი	2024	2023
საოპერაციო შემოსავალი	31,172	30,011
გაყიდული საქონლის თვითღირებულება	(25,776)	(26,187)
საერთო მოგება	5,396	3,824
საოპერაციო ხარჯები და გაუფასურება	(5,355)	(4,419)
წლიური (ზარალი) მოგება	41	(595)
საერთო მოგების მარჟა	17,31%	12,74%

ჯგუფის დეტალური ფინანსური მაჩვენებლები წარმოდგენილია ფასს-ის მიხედვით მომზადებულ ფინანსურ ანგარიშგებაში.

ჯგუფის განვითარების გეგმები:

ჯგუფისთვის საშუალო ვადიან პერიოდში ერთ-ერთ ძირითად ამოცანად ისახება გასაღების ბაზრების დივერსიფიცირება, რათა დამოკიდებულება ცალკეულ ქვეყანასა თუ რეგიონზე მაქსიმალურად იყოს შემცირებული. ამ მიმართულებით, მნიშვნელოვანია, გასული წლის მანძილზე ყველაზე მზარდი ბაზრების ანალიზი ქართული ღვინისათვის, რომელთა შორისაც ლიდერობს ჩინეთი. ცხადია, ჩინეთთან გაფორმებული თავისუფალი სავაჭრო ხელშეკრულება, ერთი ორად ამარტივებს ხსენებულ ბაზარზე შეღწევას და თავის დამკვიდრებას. ასევე, ქართული ღვინისთვის მიმზიდველია პოსტ-საბჭოთა სივრცის რეგიონი, სადაც ქართული პროდუქტი მეტ-ნაკლებად პოპულარობით სარგებლობს.

3. ღვინის წარმოებისა და დისტრიბუციის სექტორი

მიმოხილვა

საქართველოს მეღვინეობის 8,000 წლიანი ისტორია აქვს. ღვინის წარმოებისთვის ხელსაყრელი კლიმატისა და თავისი განედის (42° N პარალელი) წყალობით, საქართველო არ ჩამოუვარდება მეღვინეობით განთქმულ ზოგიერთ ქვეყანას - აშშ (კალიფორნია/ორეგონი), იტალია (ტოსკანა) და ესპანეთი (ლა-რიოხა).

საქართველოში მევენახეობის ძირითადი 8 კერა არსებობს: კახეთი, ქართლი, იმერეთი, რაჭა-ლეჩხუმი, აფხაზეთი, აჭარა, გურია და სამეგრელო. 500 უნიკალური და ენდემური ვაზის ჯიშებიდან 30 მათგანი მთელს საქართველოშია გავრცელებული.

კახეთი ცნობილია საფერავით, რქაწითელითა და მწვანე ყურძნის ჯიშებით; ქართლი - გორული მწვანით; იმერეთი - ციცქასა და კრახუნათი; გურია და აფხაზეთი - ცოლიკოურითა და ჩხავერით; სამეგრელო - ოჯალეშით, ხოლო რაჭა-ლეჩხუმი უსახელოურით, ალექსანდროულით, მუჯურეთულით.

ქართული ღვინის ექსპორტი

საქსტატის მონაცემების მიხედვით, 2024 წელს საქართველოდან მსოფლიოს 72 ქვეყანაში 126 მილიონ ბოთლამდე (0,75 ლ) ღვინო იყო ექსპორტირებული, 2023 წლის მონაცემზე 6%-ით მეტი.

ექსპორტირებული ღვინის ღირებულება 276 მლნ აშშ დოლარს აღწევს, რაც 2023 წლის ანალოგიურ მონაცემზე 6.5%-ით მეტია.

ექსპორტი გაიზარდა ქართული ღვინის სტრატეგიულ ბაზრებზე: რუსეთი - 7%, პოლონეთი - 12%, შემცირება კი აღსანიშნავია შემდეგ ქვეყნებში: უკრაინა - 13%; ჩინეთი - 17%; ესტონეთი - 16% და ა.შ.

საექსპორტო ფასწარმოქმნა

ქართული ღვინო შედარებით იაფია დსთ-ის/პოსტსაბჭოურ ქვეყნებში, რადგან აქ ტრანსპორტირების ხარჯი უფრო დაბალია და უპირატესობას მშრალ ან ნახევრად ტკბილ სუფრის ღვინებს ანიჭებენ. მომხმარებლებს შორის ცნობადობის და ხელმისაწვდომობის დონე მერყეობს, მაგრამ, ზოგადად, ქართული ღვინო დსთ-ის ბაზრებზე მასობრივი მოხმარების პროდუქტია, ხოლო ევროკავშირში, ჩრდილო ამერიკასა და აზიაში - პრემიუმ კლასის პროდუქტი, სადაც ძირითადად დაცული ადგილწარმოშობის დასახელების საფერავი და მშრალი თეთრი ღვინოები იყიდება. ევროკავშირის ქვეყნებში ქართულ ღვინოს, ახალზელანდიური და არგენტინული ღვინის მსგავსად, მაღალი ფასი აქვს.

4. ძირითადი რისკები და გაურკვევლობა

4.1 საქართველოს მაკროეკონომიკური პირობების მიმოხილვა და პოლიტიკური რისკების ანალიზი

2024 წლის 31 დეკემბრით დასრულებული წლისთვის, ისევე როგორც 2017-2023 წელს, ჯგუფის მთლიანი ამონაგების ძირითადი წილი საქართველოში კონცენტრირებულ ოპერაციებზე მოდის (2016 წელს ჯგუფს ამონაგები არ ჰქონია). აქედან გამომდინარე, ჯგუფის ფინანსური ზრდა და შემდგომი განვითარება პირდაპირ კავშირშია საქართველოს ეკონომიკაში მიმდინარე პროცესებთან, ცხრილში მოცემული ფაქტორების გათვალისწინებით.

31 დეკემბრის მდგომარეობით და ამავე თარიღით დასრულებული წლისთვის	
	2024
მშპ-ის ზრდა (%)	9.4
ნომინალური მშპ (მილიარდი აშშ დოლარი)	33.8
ნომინალური მშპ ერთ სულ მოსახლეზე (აშშ დოლარი)	9,141.4
მიმდინარე ანგარიშის დეფიციტი (მილიონი აშშ დოლარი)	614.8
ინფლაცია (პერიოდის ბოლო, %)	1.9
პირდაპირი უცხოური ინვესტიციები (მილიონი აშშ დოლარი)	1,333.8
სახელმწიფო ვალი, როგორც მშპ-ის %	74.5
სულ უცხოელთა შემოსვლები (ტურისტები, ტრანზიტული მგზავრები და სხვა)	7,368,149

წყარო: საქართველოს სტატისტიკის ეროვნული სამსახური

<https://www.geostat.ge/ka>

საქსტატის მიხედვით, 2024 წელს საქართველოს ეკონომიკა 9.5%-ით გაიზარდა და 91.9 მილიარდი ლარი (33.8 მილიარდი დოლარი) შეადგინა. იგივე მონაცემები 2023 წელს 7%, 2022 წელს 10.1%, 2021 წელს 10.4%, 2020 წელს -6.2%, 2019 წელს 5.2%-ით, 2018 წელს 4.8%-ით, 2017 წელს 4.8%-ით, ხოლო 2016 წელს 2.9%-ით განისაზღვრა.

4.2 ვალუტის ცვალებადობა

ქვეყანაში არასტაბილური სავალუტო ბაზრის არსებობიდან და ამასთანავე ბიზნეს საქმიანობის სპეციფიკიდან გამომდინარე ჯგუფზე მოქმედებს ვალუტის მერყეობა და გაუფასურება ევროსა თუ დოლარის მიმართ. დოლარიზაციის დონე მაღალი რჩებოდა საბანკო სისტემაში, ანაბრების შემთხვევაში გაიზარდა 50.7%-დან 52.8%-მდე, ხოლო სესხების შემთხვევაში შემცირდა 45.2%-დან 43.3%-მდე. საშუალო საპროცენტო განაკვეთები 12.06%-ს შეადგენდა სესხების, ხოლო 6.46%-ს ანაბრების შემთხვევაში.

ამასთან ერთად, ჯგუფს აქვს სასესხო ვალდებულება ადგილობრივი საკრედიტო დაწესებულებების მიმართ, რომელიც ძირითადად გამოხატულია ევროში.

ქვეყანაში შექმნილი ეკონომიკური ვითარებიდან გამომდინარე, რაც გამოიხატება არასტაბილური კურსის არსებობაში, მაღალია რისკი, რომ ლარის შემდგომი გაუფასურება გაზრდის ჯგუფის საპროცენტო და სხვა ხარჯებს.

4.3 რეგიონში მიმდინარე პროცესები

საქართველოს ეკონომიკა დამოკიდებულია არა მხოლოდ მიკროეკონომიკურ ფაქტორებზე, არამედ რეგიონის სხვა ქვეყნების, განსაკუთრებით მეზობელი ქვეყნების, რუსეთის, თურქეთის, აზერბაიჯანისა და სომხეთის ეკონომიკაზე და ქვეყანაში მიმდინარე პროცესებზე. აღნიშნული ქვეყნებიდან, ჯგუფი ექსპორტს ახორციელებს რუსეთში, აზერბაიჯანსა და სომხეთში.

2024 წლის მონაცემებით ყირგიზეთი საქართველოს მთავარი საექსპორტო პარტნიორია, რომელზეც მთლიანი ექსპორტის 19.6% მოდის, 2023 წლის მონაცემებით აზერბაიჯანი წარმოადგენდა საქართველოს მთავარ საექსპორტო პარტნიორს 14.2%-ლი მაჩვენებლით. ექსპორტის განაწილებაში 2024 წელს მეორე ადგილს ყაზახეთი იკავებს, სადაც 2024 წელს ექსპორტირებული საქონელი და მომსახურების ღირებულება 860 მლნ აშშ დოლარია, რაც წინა პერიოდის მაჩვენებელს 22%-ით აჭარბებს. რიგით მესამე სავაჭრო პარტნიორი აზერბაიჯანია.

2024 წელს ტურიზმის სექტორში ვიზიტორების რაოდენობა წინა წელთან შედარებით 4%-ით გაიზარდა. 2022 წელს რუსეთი-უკრაინის ომის შედეგად, მრავალმა წამყვანმა ქვეყანამ სანქციები გამოუცხადა რუსეთს. ომის დაწყების შემდეგ მნიშვნელოვნად დაეცა რუსული რუბლი და საფინანსო ბაზრებზე რუსული კომპანიების საბაზრო ფასები. ამ სიტუაციიდან გამომდინარე, დაიწყო მძიმე ჰუმანიტარული კრიზისი როგორც რუსეთში ასევე უკრაინაში.

რუსეთი და უკრაინა წარმოადგენენ მნიშვნელოვან სავაჭრო პარტნიორს საქართველოსთვის, შესაბამისად მოსალოდნელია რომ ომს უარყოფითი გავლენა ექნება საქართველოს ეკონომიკაზე. ჯგუფის მენეჯმენტი თვალს ადევნებს მიმდინარე მოვლენებს და მიიღებს შესაბამის ზომებს საჭიროების შემთხვევაში.

4.3 საკანონმდებლო ფაქტორები

საქართველოს დამოუკიდებელ სუვერენულ ქვეყნად ჩამოყალიბების პარალელურად, ქვეყნის წინაშე მნიშვნელოვანი გამოწვევა დგას ევროპული სტანდარტების შემოღების, შრომის კოდექსისა და დასაქმებულის უფლებების დაცვის კუთხით. ასევე, გარემოს დაცვის, მომხმარებელთა უსაფრთხოებისა და საგადასახადო სისტემების ეფექტური მუშაობის მხრივ. საქართველოს შრომის კოდექსში მიღებული ცვლილებები მიზნად ისახავდა, როგორც სამართლიანი ბალანსის დაცვას დამსაქმებლისა და დასაქმებულის ინტერესებს შორის, ასევე ევროკავშირის ნორმებთან შესაბამისობაში მოყვანას. ცვლილებები შეეხება სამუშაო საათების განსაზღვრას, ზეგანაკვეთური სამუშაოს ანაზღაურებას, შრომითი ხელშეკრულებების გაფორმებისა და შეწყვეტის დეტალებს, სამართლიანი და არადისკრიმინაციული სამუშაო გარემოს შექმნას და სხვა.

შრომის კოდექსში შესულ ცვლილებებთან შესაბამისობის მიზნით ჯგუფმა ცვლილებები შეიტანა, როგორც შრომით, ასევე მომსახურების ხელშეკრულებებში. შეიცვალა შრომითი ხელშეკრულებების გარკვეული პუნქტები, კანონმდებლობაში ზემოაღნიშნულ ცვლილებების შესაბამისად.

ასევე, ვაჭრობასთან დაკავშირებული და სექტორისთვის განკუთვნილი კანონმდებლობის მოთხოვნების დაკმაყოფილება გარკვეულ სირთულეებს ქმნის, განსაკუთრებით, გარემოს დაცვის (პროდუქტის და უსაფრთხოების შესახებ ინფორმაციის ჩათვლით) და მომხმარებელთა უსაფრთხოების მხრივ.

ამასთანავე, 2014 წელს ევროკავშირთან ხოლო 2018 წელს ევროპის თავისუფალი ვაჭრობის ასოციაციის წევრებს შორის ამოქმედდა თავისუფალი ვაჭრობის შეთანხმება, რაც გულისხმობს ევროპაში საბაჟო გადასახადის გარეშე პროდუქციის შეტანას. თავისუფალი სავაჭრო სივრცის შემოღება გულისხმობს ევროკავშირის სტანდარტებისა და რეგულაციების დანერგვას, განსაკუთრებით შრომის უსაფრთხოების, დასაქმებულთა უფლებებისა და გარემოს დაცვის კუთხით. შესაბამისად, საკანონმდებლო ცვლილებებს ამ სფეროში დიდი გავლენა ექნება ბიზნესზე, კერძოდ, შრომით ხელშეკრულებებზე დასაქმებულსა და დამსაქმებელს შორის. საგადასახადო კანონები ეტაპობრივად ვითარდება და გარკვეულ გამოწვევას წარმოადგენს, რადგან მისი გაგება და ინტერპრეტაცია შესაძლოა განსხვავებულად მოხდეს სხვადასხვა ჯგუფის მხრიდან, რაც ჯგუფს უქმნის რისკს, რომ საგადასახადო ორგანო ექვექვეშა დააყენებს მათ მიერ კანონის შესრულებას. ეს კი დამატებითი ჯარიმებისა და გადასახადების დაკისრებასთან არის დაკავშირებული.

5. ჯგუფთან დაკავშირებული რისკები

5.1 ფასების ცვალებადობა

ალკოჰოლური სასმელების წარმოებისა და დისტრიბუციის ბაზარი ხასიათდება ხშირი ფასების ცვალებადობით. ამასთანავე, ჯგუფის ძირითადი საქმიანობა მნიშვნელოვნად არის დამოკიდებული იმპორტზე. სავალუტო ბაზრის არასტაბილურობისა და კურსის რყევების გამო, საწარმოს მასალებსა და მომსახურების ფასებზე ცვლილება გავლენას ახდენს საბოლოო პროდუქტის ფასზე, შესაბამისად, მომხმარებელთა მსყიდველუნარიანობაზე. საბოლოო შედეგი აისახება ჯგუფის გაყიდვებსა და შესაბამისად, ფინანსურ მდგომარეობაზე.

5.2 მომხმარებელთა ინტერესების ცვლილება

ბაზარზე მოთხოვნა და მომხმარებელთა ინტერესები მუდმივად იცვლება, რომელმაც შესაძლოა გამოიწვიოს კონკრეტული პროდუქტის მიმართ მოთხოვნის შემცირება. ასეთ შემთხვევაში, ჯგუფი იძულებული ხდება საკუთარი პროდუქცია მოარგოს მომხმარებელთა მოთხოვნებს. ჯგუფმა მუდმივად უნდა გაითვალისწინოს ბაზრის ცვლილება, სოციალური ტენდენციები და კონკურენციის მაღალი დონე, წინააღმდეგ შემთხვევაში, მოსალოდნელია უარყოფითი გავლენები გაყიდვებსა და საოპერაციო შედეგებზე.

6. ფინანსური მონაცემების შიდა კონტროლის მექანიზმები

ფინანსური მონაცემების მიმოცვლა ჯგუფში ხდება დადგენილი პროცედურების დაცვით, სადაც მნიშვნელოვან როლს თამაშობს ჯვარედინი კონტროლის მექანიზმი. ეს უკანასკნელი უზრუნველყოფს მიწოდებული ფინანსური მონაცემების სიზუსტეს.

ინფორმაციის გაზიარება რამდენიმე სტრუქტურულ ერთეულს შორის ხდება რიგი საფეხურების დადასტურების შემდეგ, რათა ჯგუფის მენეჯმენტი დარწმუნებული იყოს, რომ ინფორმაციის მიმღებს მიეწოდება უტყუარი ინფორმაცია. ამასთან ის ფაქტიც, რომ მიმღებს აქვს უფლება გაეცნოს შესაბამის ინფორმაციას.

ჯგუფს შემუშავებული აქვს შიდა კონტროლის პოლიტიკა და პროცედურები, რომელთა მეშვეობითაც ხდება ნებისმიერი სახის მონაცემების გაცვლა სტრუქტურულ ერთეულებს შორის და მათზე კონტროლის განხორციელება.

ასევე, ჯგუფს შემუშავებული აქვს ფინანსური თვის და წლის დახურვის პროცედურები შესაბამისი კონტროლის მექანიზმებით, რაც საფუძველია იმისთვის, რომ რაც პროგრამულად აღიარებული ინფორმაცია სრულფასოვანი და უტყუარია.

7. დასაქმებასთან დაკავშირებული საკითხები და კადრების შენარჩუნება

ჯგუფი სულ უფრო მეტი წარმატებით ახერხებს ადგილობრივ შრომის ბაზარზე საუკეთესო პროფესიონალების მოძიებასა და მოზიდვას. ჯგუფი ცდილობს, გააუმჯობესოს ეფექტურობა ორგანიზაციის როგორც მიკრო, ისე მაკრო დონეზე და მენეჯმენტს მიაჩნია, რომ კომპეტენციის განვითარება გრძელვადიანი სტრატეგიის განხორციელების ერთ-ერთი უმნიშვნელოვანესი გზაა. კერძოდ, ჯგუფის მიზანია, გაუმჯობესდეს ორგანიზაციის მიერ სიახლეების დანერგვის უნარი და დაიხვეწოს არსებული პრაქტიკა.

მეორე მხრივ, ჯგუფისთვის უაღრესად მნიშვნელოვანია თითოეული თანამშრომლის უსაფრთხოება. უპირველეს ყოვლისა, თითოეულ თანამშრომელს აქვს უფლება, იმუშაოს უსაფრთხო და ჯანსაღ გარემოში, რათა არც მათ და/ან არც მათ ოჯახებს არ შეექმნათ პრობლემები სამუშაო ადგილზე არსებული ისეთი საფრთხეების გამო, რომელთა თავიდან არიდება შესაძლებელი იყო. შესაბამისად, ჯგუფი ქმნის უსაფრთხო სამუშაო გარემოს თანამშრომლებისათვის არსებული კანონმდებლობის მოთხოვნების დაცვით. ეს თანამშრომლებს საშუალებას აძლევს, სრულად გამოავლინონ თავიანთი პოტენციური ყოველ სამუშაო დღეს.

8. გარემოსდაცვითი საკითხები

ჯგუფი გარემოსდაცვითი საქმიანობის წლიდან წლამდე გაუმჯობესების მიზნით შემდეგ ძირითად ფაქტორებზე ამახვილებს ყურადღებას:

- ✓ ორგანიზაციის მასშტაბით დანერგილი კორპორაციული კულტურა,
- ✓ საქმიანობის მკაფიოდ ჩამოყალიბებული სტანდარტები და საოპერაციო პროცედურები,
- ✓ შესაბამისი ტექნიკური აღჭურვილობა, რომელიც შეესაბამება მსოფლიოში აღიარებულ სტანდარტებს, კომპეტენტური თანამშრომლები.

გარემოსდაცვითი საქმიანობის გაუმჯობესება კლიენტების, მომწოდებლების, მარეგულირებელ ორგანოების, ინვესტორების, თანამშრომლებისა და საზოგადოების თვალში რეპუტაციის ამაღლების ერთ-ერთი უმთავრესი ფაქტორია.

9. განცხადება ეკოლოგიურ და სოციალურ გარემოზე ზემოქმედების შესახებ

უსაფრთხოების მხარდაჭერა

ჩვენი ჯგუფისთვის არაფერია იმაზე მნიშვნელოვანი, ვიდრე იმ ადამიანების უსაფრთხოება, რომლებიც ჩვენთან არიან დასაქმებულები ან რომლებთანაც ვთანამშრომლობთ. როგორც ღვინის და ლუდის წარმოების წამყვანმა ჯგუფმა, ჩვენ მიზნად დავისახეთ უზედური შემთხვევების სრულად აღმოფხვრა და ამის მისაღწევად ჩვენს ჯგუფში დავნერგეთ პრინციპი „უსაფრთხოება უპირველეს ყოვლისა“.

ჩვენს სამუშაოსთან დაკავშირებული უზედური და ფატალური შემთხვევები საწარმოო ობიექტების გარეთ ხდება, როცა ადამიანები მოგზაურობენ ან ჩვენი პროდუქციის დისტრიბუციით არიან დაკავებული. გარემოში, რომელსაც ვერ ვაკონტროლებთ, გაუთვალისწინებელი შემთხვევებისგან დაზღვეული არ ვართ. ჩვენი სტრატეგიაა, სისტემურად გადავჭრათ უსაფრთხოების საკითხი არა მხოლოდ წარმოების ობიექტებზე, არამედ მთელი ჯგუფის მასშტაბით და განსაკუთრებული ყურადღება საგზაო უსაფრთხოებაზე გავამახვილოთ.

პასუხისმგებლიანი მოხმარება

ღვინო ბუნებრივი პროდუქტია, რომელიც ყოველდღიურად ათასობით ადამიანს ანიჭებს სიამოვნებას. მათი უმრავლესობა ალკოჰოლს ზომიერად იღებს და იცავს ცხოვრების ჯანსაღ წესს. თუმცა, ზედმეტი ალკოჰოლის მიღებას აშკარად უკავშირდება ჯანმრთელობის და ქცევითი რისკები და ისინი მხოლოდ ერთ კონკრეტულ პირზე არ მოქმედებს. ალკოჰოლის საზიანო დოზით მიღება სხვა ადამიანებს, საზოგადოებას, ჩვენს დარგსა და მის რეპუტაციას ენებს.

იმისათვის, რომ საზოგადოება ალკოჰოლის მიღებას მეტი პასუხისმგებლობით მოეკიდოს, ჩვენ აქტიურად ვავრცელებთ გზავნილს „დაღიე პასუხისმგებლობით“.

ჩვენ ყველას მოვუწოდებთ, ალკოჰოლის მიღებას პასუხისმგებლობით მოეკიდონ და მომხმარებლებს განუუმარტავთ ალკოჰოლის მავნე დოზით მიღების რისკებს.

სპონსორობა

სპონსორობის ფარგლებში, ჯგუფი ყურადღებას ამახვილებს ცხოვრების ჯანსაღი წესის წახალისებასა და დამკვიდრებაზე. როგორც ეროვნული ოლიმპიური კომიტეტის სპონსორები, მიზნად ვისახავთ, სპორტის პოპულარიზაციის ახალ ეტაპზე გადასვლას და ჯანსაღ აქტივობებში ბავშვების და მოზარდების ჩართვას. ჩვენ ყოველთვის მზად ვართ, განვიხილოთ ახალი ინიციატივები, რომლებიც დაგვეხმარება ჩვენი მიზნებისა და ხედვის განხორციელებაში.



აღმასრულებელი დირექტორი
თეიმურაზ ჯანყარაშვილი
2025 წლის 4 ივნისი